

# Cov Ntsiab Lus Ntawm Qhov Kev Pab Txhawb

## Kev Siv Koob Hno

Kev siv koob hno kho mob yeej raug them nqi los tiv thaiv, kho, los sis txo qhov mob ntaug, yam mob uas tsis paub zoo tu qab uas raug lees paub tias yog ib qho yuav tsum tau kho. Kev siv koob hno kho mob yeej raug sau tseg rau hauv Txoj Cai Kev Ua Lag Luam thiab Kev Txawj Ua Haujlwm, Tshooj 4927 tias "kev hno rau ib thaj chaw twg los sis rau cov chaw ntawm lub cev los sis nyob ze daim tawv nqaij ntawm lub cev yuav pab tiv thaiv qhov mob los sis kho qhov mob tau los sis ua rau lub cev rov qab ua haujlwm tau los li qub, suav txog kev tswj qhov mob, kev kho mob rau qee yam kab mob los sis feem tsis ua haujlwm ntawm lub cev thiab suav txog qee yam tswv yim siv koob hluav taws xob hno, siv tshuaj kho li txheej thaum ub siv, thiab siv tshuaj ntsuab suav." Kev siv koob hno kho mob (siv nrog los sis tsis siv nrog koob hno hluav taws xob) tsuas pub saib xyuas tau ob zaug rau hauv ib lub hlis xwb, txawm tias yuav tau saib xyuas ntxiv los xij. Txhua yam kev siv koob hno kho mob rau cov menyuum yaus hnuv nyooq qis dua 21 xyoo yeej raug them nqi mus raws li lub xeev cov nyiaj pab hauv cov txiaj ntsig ntawm EPSDT. Kev siv koob hno kho mob uas nyob hauv kis raug zam no tsuas muab kev saib xyuas rau cov neeg uas muaj hnuv nyooq 21 xyoo thiab tshaj rov saud xwb thiab tsuas yog thaum cov kev pabcuam raug txwv uas raug pom zoo los ntawm lub xeev cov nyiaj pab raug siv tag lawm.

## Kev Pabcuam Rau Kev Coj Tus Cwj Pwm

Kev pab kho kev coj tus cwj pwm muaj xws li kev siv cov kev pab txhawb kho tus cwj pwm kom pab kho tau kev paub tab ntawm tus neeg tuaj koom thiab muaj kev soj qab xyuas thiab tshuaj ntsuam xyuas txog tus cwj pwm. Cov kev pab txhawb no yeej raug txwv nruj mus raws li qhov raug pom zoo cia ua tau, raws li qhov pom ua pov thawj, cov tswv yim pab tau zoo. Nce raws li ntawm tus neeg tuaj koom qhov xav tau, kev pab txhawb rau kev coj tus cwj pwm uas yuav tau muab kev pab txhawb rau ntau lub chaw xws li raug saib xyuas rau tom tus neeg tuaj koom lub tsev, lub chaw ua haujlwm, thiab lwm yam. Cov kev pab txhawb rau kev coj tus cwj pwm raug tawm qauv los pab rau cov neeg kom rov qab zoo los, nyob taus li qub thiab pab yus tus kheej tau zoo dua qub, muaj cov txuj ci nyob nrog sawd daws rau hauv lub tsev thiab hauv lub zos. Tej zaum yuav tau muab cov kev pabcuam no rau cov tswvcuab hauv tsev neeg yog lawv yog tus txais cov txiaj ntsig los ntawm tus neeg tuaj koom. Cov kev pabcuam rau cov tswvcuab hauv tsev neeg muaj xws li kev cob qhia thiab kev qhia txog kev kho mob, suav txog kev qhuab qhia kev siv tshuaj kho mob, thiab cov niam tswv yim tswj xyuas feem yuav tshwm sim tsis zoo kom tsev neeg tuaj yeem pab txhawb rau tus neeg tuaj koom.

Kev mus koom ntawm cov niam txiv ntawm cov menyuum yaus yog ib qho tseem ceeb pab txhawb qhov kev npaj saib xyuas tus cwj pwm tau zoo. Pawg kws ua haujlwm rau qhov kev npaj rau tus neeg yuav xav txog qhov yuav tau mus koom kom pab txhawb tau raws li tus neeg ntawd feem xav tau. "Kev mus koom" muaj xws li cov ntsiab lus nram qab no: Qhia rau pawg neeg kom tiav raws li cov tswv yim pab txhawb rau kev coj tus cwj pwm; Kev nqis tes siv cov niam tswv yim pab txhawb, raws li qhov kev npaj pab txhawb; Yog xav tau, sau cov ntaub ntawv hais txog cov niam tswv yim pab txhawb rau kev coj tus cwj pwm thiab muab nws xa mus rau lub chaw muab kev pabcuam kom muab qhov ua tau zoo tso nrog ua ke rau hauv cov ntaub ntawv teev num; Kev mus koom cov rooj sib tham txog kev kuaj mob kho mob; kev muab cov ntaub ntawv hais txog kev hloov kho kev coj tus cwj pwm los sis hais kom cov neeg hauv zej zog tau mus koom yog tau siv khoom plig rau. Yog qhov tsis tau mus koom ntawd ua rau cuam tshuam txog kev nqis tes ua qhov kev npaj pab txhawb rau kev coj tus cwj pwm, yuav tsum tau muab lwm yam kev pabcuam kom ua tau raws li tus neeg ntawd qhov xav tau uas raug hais tseg.

# Cov Ntsiab Lus Ntawm Qhov Kev Pab Txhawb

Qhov kev pabcuam no nyob rau hauv HCBS Qhov Raug Zam tsuas raug muab kev saib xyuas rau cov neeg muaj hnuv nyoog 21 xyoos thiab tshaj rod saud xwb. Txhua yam kev siv tshuaj kho mob tseem ceeb rau kev Coj Tus Cwj Pwm rau cov menyuam yaus hnuv nyoog qis dua 21 xyoo yeej raug them nqi mus raws li lub xeev cov nyiaj pab hauv cov txiaj ntsig ntawm EPSDT.

## Kev Zaws Ib Ce

Kev zaws ib ce kho mob muaj xws li kev zaws raws tus pob txha qaj qaum los tiv thaiv, kho, los sis txo qhov mob kom ntaug, yam mob uas tsis paub zoo tu qab uas raug lees paub tias yog ib qho yuav tsum tau kho. Tej zaum ib tug kws zaws ib ce yuav siv txhua yam twj siv tseem ceeb, yam khoom siv huv si, thiab tej yam tshuaj siv huv los tu rau ntawm lub cev, xws li huab cua, cua txias, khoom noj kom yuag, ua ev xaws xais, cua kub, taws teeb cig, zuaj ib ce, kho ib ce, so, xoo hluav taws xob tsom xyuas, dej, thiab kho lub cev raws li lub tswv yim zaws ib ce thiab/los sis hloov kho mus raws li siab xav. Txhua yam kev siv tshuaj kho mob tseem ceeb rau Kev Zaws Ib Ce rau cov menyuam yaus hnuv nyoog qis dua 21 xyoo yeej raug them nqi mus raws li lub xeev cov nyiaj pab hauv cov txiaj ntsig ntawm EPSDT. Kev zaws ib ce kho mob uas nyob hauv kis raug zam no tsuas muab kev saib xyuas rau cov neeg uas muaj hnuv nyoog 21 xyoos thiab tshaj rov saud xwb thiab tsuas yog thaum cov kev pabcuam raug txwv uas raug pom zoo los ntawm lub xeev cov nyiaj pab raug siv tag lawm.

## Kev Pab Txhawb Feem Kev Sib Txuas Lus

Kev pab txhawb feem kev sib txuas lus muaj xws li cov khoom siv pab sib txuas lus txhawm rau kev qhia thiab pab cov neeg uas hnov lus tsis zoo, hais lus tsis taus zoo, los sis pom kev tsis zoo, suav txog cov neeg uas tsis yog hais lus Asthiv ua lawv thawj hom lus hais thiab cov neeg uas paub nyeem ntawv, sau ntawv, hais lus los sis nkag lus Askiv tau tsawg (Tsis Paub Lus Askiv Zoo los sis cov txuj ci LEP). Lub hom phiaj ntawm qhov kev pabcuam no yog pab rau cov neeg kom paub sib txuas lus tau zoo nrog cov kws muab kev pabcuam, tsev neeg, cov phooj ywg, cov neeg ua haujlwm ua ke, thiab lwm cov neeg. Yam nram qab no yog raug pub cia ua cov khoom pab sib txuas lus, raws li tau sau tseg rau hauv tus neeg tuaj koom qhov IPP:

1. Cov Kws Cev Lus;
2. Cov kws txhais lus thiab kev pab nrhiav kws txhais lus;
3. Cov kws txhais ntaub ntawv thiab kev pab nrhiav kws txhais ntaub ntawv; thiab
4. Cov neeg nyeem ntawv thiab kev pab nyeem ntawv.

Qhov kev pabcuam no kuj muaj nyob hauv cov kev pab txhawb rau tus neeg tuaj koom los siv lub koo pij thawj pab rau kev sib txuas lus. Xws li cov kev pab txhawb rau kev cob qhia kev siv cov tev naus laus zis, kev tshuaj ntsuam xyuas txog feem xav kom muab kev cob qhia thiab pab txhawb mus txuas ntxiv, thiab nrhiav cov neeg los yog cov chaw los pab txhawb. Qhov kev pabcuam no raug txwv rau cov neeg uas muab kev pab thiab tsis muaj yuav yam khoom siv los sis cov khoom siv kho mob.

Kev pab txhawb feem kev sib txuas lus muaj xws li kev tshuaj ntsuam xyuas rau, thiab kev cob qhia txog kev siv, cov khoom pab rau kev sib txuas lus, suav txog siv rau cov neeg uas muaj cov txuj ci LEP, raws li tau sau tseg rau hauv tus neeg tuaj koom qhov IPP.

# Cov Ntsiab Lus Ntawm Qhov Kev Pab Txhawb

## Cov Kev Pab Txhawb Ntau Yam Ua Ke Nyob Hauv Lub Zos

Qhov kev pabcuam no muab rau cov neeg tuaj koom tau tsim kho lawv yam ua tau los tshwj xeeb rau tus kheej xws li yam ib txwm ua tau los, kev tsim kho thiab/los sis tuav tswj cov txuj ci thiab rab peev xwm los npaj thiab pab txhawb rau tus neeg tuaj koom rau thaum lawv mus koom hauv lub zos, kom lawv muaj kev ywj pheej nrog lwm tus nyob tau, thiab muaj kev ywj pheej rau lawv tus kheej.

Qhov kev pabcuam no pab txhawb txhua yam kom nyob tau rau hauv lub zos, tswj xyuas tus kheej tej ntaub ntawv ub no, thiab txais cov kev pabcuam rau hauv lub zos, kom lawv ua dab si los tau ib yam nkaus li cov neeg uas tsis tau txais cov kev pabcuam no. Ntxiv rau qhov, qhov kev pabcuam no yuav pab rau tus neeg tuaj koom kawm paub txog cov txuj ci uas yuav raug siv rau thaum mus koom ua cov haujlwm hauv lub zos nrog cov neeg uas tsis yog cov xiam oob qhab.

Tus neeg tuaj koom xaiv qhov kev pabcuam no los ntawm feem xaiv suav txog feem uas siv rau cov neeg tsis xiam oob qhab. Feem kev xaiv no yog saib raws li tus neeg tuaj koom qhov xav tau thiab nyiam.

Tus neeg tuaj koom tau txais qhov kev pabcuam no xyaws nrog lwm cov kev pab txhawb thiaj tau txais kev saib xyuas zoo dua rau hauv lub zos, thiab ua rau tus neeg tuaj koom muaj kev yooj yim, muaj kev ywj pheej nyob nrog lwm tus neeg, muaj kev ywj pheej rau nws tus kheej, ua tau tej yam nws nyiam, thiab siv txhua yam khoom siv tev naus laus zis tau. Tus neeg tuaj koom qhov kev xaiv yeej raug muab sib xyaws ua ke rau hauv cov kev pabcuam thiab pab txhawb thiab nws tus kheej cov cai tseem ceeb txog kev ceev tus kheej ntiag tug, kev muaj meej mob thiab kev hawm, thiab kev thaj yeeb los ntawm kev raug hawv yeej raug pov thaiv tag nrho. Cov kev pabcuam no yuav tsum ua rau tus neeg tuaj koom tuaj yeem tswj xyuas nws tus kheej cov ntaub ntawv thiab nws lub sijhawm thiab cov haujlwm tau. Ntxiv rau qhov no, yuav tsum ua rau tus neeg tuaj koom tau so ib yam nkaus li tus neeg uas tsis xiam oob qhab.

Cov Kev Pab Txhawb Sib Koom Ua Ke Rau Hauv Lub Zos yeej raug muab raws li tau sau tseg los ntawm pawg kws ua qhov kev npaj txhawm rau pab cov neeg tuaj koom feem xav tau, tuav tswj yam ua tau, los sis tsim kho qhov kev pab rau yus tus kheej, cov txuj ci nyob nrog sawd daws los ntawm kev kho lub cev thiab/los sis cov haujlwm siv lub cev ua kom tus neeg tuaj koom ua tau raws li nws tus kheej lub siab xav tseg. Cov kev pabcuam thiab pab txhawb no tej zaum yuav raug muab siv ntau yam rau hauv lub zos uas nrog pab txhawb kom muaj ntau yam kev pab txhawb sib koom ua ke rau hauv lub zos. Yam yuav tau muaj no muaj nrog rau cov neeg uas tsis nyob hauv lub zos ua ke nrog tib si raws li sau tseg rau hauv Cov Ntaub Ntawv Tso Tom Qab Kawg C-5, tab sis tsuas yog yam ntawd yuav tsum ua kom tau raws li cov cai ntawm HCB, kev siv cov txheej txheem uas raug piav qhia rau hauv Cov Ntaub Ntawv Tso Tom Qab Kawg C-5. Tej zaum yuav tau muab cov kev pabcuam raws li lub sijhawm tau npaj ua rau ib hnuv los sis ntau hnuv rau hauv lub asthiv. Yuav tsis muab cov kev pabcuam no rau hauv lub tsev nyob ntawm tus neeg tuaj koom.

Cov kev pabcuam thiab pab txhawb no ua rau tus neeg tuaj koom tseem yuav tau mus koom los sis ua tau raws li nws rab peev xwm ua tau, ua tau ywj pheej nrog lwm tus neeg, thiab ua tau ywj pheej rau nws tus kheej, suav txog kev sib txuas lus nrog tej haujlwm thiab tej koom txoos hauv lub zos. Ntxiv rau qhov no, tej zaum cov kev pabcuam thiab pab txhawb no yuav txhawb nqa cov txuj ci los sis cov kev kawm uas raug qhia rau hauv tsev kawm ntawv, kev kho, los sis lwm yam kev pab txhawb nqa uas yuav ua rau tus neeg tuaj koom tau mus koom rau hauv lub zos. Cov kev pabcuam thiab pab txhawb no yuav pab tus neeg tuaj koom paub kev pab rau yus tus kheej, nyob nrog lwm cov neeg, nyob nrog hauv lub zos tau zoo zuj zus ntxiv,

## Cov Ntsiab Lus Ntawm Qhov Kev Pab Txhawb

thiab paub hloov cov txuj ci nyob nrog sawd daws xws li:

- a. Paub koom nrog sawd daws thiab nyob ua ke nrog sawd daws hauv lub zos.
- b. Cov txuj ci sib txuas lus.
- c. Kev xam pom, hnov lub suab thiab tau nrog ua ke thiab kev nkag siab txog feem kev paub.
- d. Tsim kho cov txuj ci sib hais lus kom tau tsim nyog nrog cov khub thiab pab tswv yim rau yus tus kheej.
- e. Cov kev pab txhawb txog kev kos duab thiab ua kev lom zem.
- f. Kev Kawm Ntawv Mus Txuas Ntxiv vim hauv chav kawm yuav pab ua rau cov neeg tuaj koom tshawb nrhiav tau yam lawv nyiam los sis yam pab tsim kho cov txuj ci kev paub ntaub ntawv los sis ua rau lawv kawm tiav npaum nkaus li theem siab thaum tseem koom hauv qhov kev pab txhawb
- g. Pawg neeg laus thiab pawg sib ntseeg siab.
- h. Kev pab qhia thiab tswv yim rau tus khub.
- i. Kev pab thauj mus los xws li kev muaj caij tau thiab siv cov tsheb khiav mus los los sis lwm yam kev khiav tsheb mus los, suav txog kev caij tsheb sib koom nrog cov khub ua ke.
- j. Kev ntaus phooj ywg thiab kev sib raug zoo

### Cov Kev Pab Txhawb Nyob Hauv Lub Zos

Cov Kev Pab Txhawb Ua Neej Nyob Hauv Lub Zos yog cov kev pabcuam uas ua kom nyob tau ywj pheed thiab muaj kev sib pab txhawb ua ke rau cov neeg tuaj koom, yam tsis xav txog tej kev npaj ua lub neej nyob rau hauv lub zos. Cov kev pabcuam muaj xws li kev pab txhawb thiab kev pab tsim kho cov txuj ci nyob nrog sawd daws, cov txuj ci ntawm yus tus kheej, kev mus koom hauv lub zos, kev ua kev lom zem thaum khoom, thiab kev saib xyuas rau hauv tsev thiab saib xyuas rau tus kheej, los ntawm sawd daws raws li raug piav qhia txuas ntxiv rau hauv qab no. Kev Them Nqi rau Cov Kev Pab Txhawb Ua Neej Nyob Hauv Lub Zos tsis tau suav txog cov nqi siv rau chav nyob thiab cov khoom noj haus.

Cov Kev Pab Txhawb Ua Neej Nyob Hauv Lub Zos yog muab kev pab txhawb rau ib tug neeg tuaj koom rau hauv nws lub tsev thiab lub zos kom nws ua tau zoo, tsim kho, thiab/los sis tseem paub cov txuj ci nyob nrog sawd daws thiaj li yuav ua rau tus neeg tuaj koom ntawd tuaj yeem nyob taus hauv lub zos thiab mus koom dab tsi los mus tau ywj pheed yog tsis muaj leej twg pab. Cov kev pabcuam uas raug muab ntawd yog pab txhawb tus neeg tuaj koom kom muaj kev yooj yim, muaj kev ywj pheed, ua tau yam nws nyiam thiab siv tau tej khoom siv tev naus laus zis ub no. Tus neeg tuaj koom cov kev xaiv yeej raug muab tso ua ke nrog rau hauv cov kev pabcuam thiab pab txhawb uas twb raug txais dhau los lawm. Tus neeg tuaj koom tsis muaj yam txwv rau nws, thiab nws tus kheej cov cai tseem ceeb txog kev ceev tus kheej ntiag tug, kev muaj meej mob thiab kev hawm, thiab kev thaj yeeb los ntawm kev raug hawv yeej raug pov thaiv tag nrho.

Cov kev pabcuam raug muab tso nrog ua ke rau hauv lawm, thiab qhia rau txhua tus neeg tuaj koom tias lawv tuaj yeem raug txais kev saib xyuas txhua yam rau hauv lub zos, qhov no suav txog kev cia txhua tus neeg tuaj koom muaj feem pab txhawb rau lub neej hauv lub zos, tswj xyuas tus kheej ntiag tug cov ntaub ntawv, thiab txais cov kev pabcuam hauv lub zos.

## Cov Ntsiab Lus Ntawm Qhov Kev Pab Txhawb

Cov kev pabcuam tshwj xeeb uas tau muab rau txhua tus neeg tuaj koom yuav sib txawv raws li ntawm lawv tus kheej, yam lawv nyiam thiab yam muaj xaiv nyob rau hauv lub zos. Hom kev pab txhawb tshwj xeeb thiab sib xyaws ua ke uas ib tug neeg tuaj koom tau txais thiab ib tug kws muab kev pabcuam uas muaj kev txawj ua haujlwm zoo yuav tsum raug sau tseg rau hauv Qhov Kev Npaj Pab Txhawb Rau Tus Kheej.

Hom kev pab txhawb ntawm Cov Kev Pab Txhawb Ua Neej Nyob Hauv Lub Zos raug piav qhia rau nram qab no:

1. Kev pab txhawb txog kev nyob nrog sawd daws muaj xws li kev tsim kho los sis tuav tswj yus tus kheej kom tau thiab kev tswj yus tus kheej, kev paub lav thaum nyob nrog sawd daws, kev ua zoo nrog sawd daws, cov txuj ci ntawm yus tus kheej sib tham nrog lwm tus, thiab kev sib raug zoo.
2. Kev pab txhawb txog kev tsim kho txuj ci ntawm tus kheej muaj xws li kev taum qauv cov haujlwm los tsim kho tus neeg tuaj koom rab peev xwm kom ua nws cov haujlwm niaj hnub kom tiav xws li noj mov, da dej, hnav ris tsho, tu tus kheej, txav mus los, thiab lwm cov haujlwm tseem ceeb.
3. Kev pab txhawb txog kev mus koom hauv lub zos muaj xws li kev pab ua kom tus neeg ntawd tau mus koom cov haujlwm hauv lub zos tau txhij txhua. Qhov kev pab no muaj xws li hais nram qab no tab sis kuj tsis yog tas li no xwb xws li, yam ua tau los, kev siv, thiab kev tu tus dev los sis lwm cov tsiaj uas raug cob qhia tshwj xeeb los pab rau yus tus kheej, los sis cov khoom siv los pabtham muaj tej yam tshwm sim txaus ntshai rau kev noj qab haus huv, kev nyab xeeb, los sis kev noj qab nyob zoo .
4. Pab txhawb kom mus kawm ntawv ntxiv tom qab kawm tiav theem nrab, koom ua kev ntseeg, kev ua si lom zem los sis ua tej haujlwm thaum khoom.
5. Kev pab txhawb rau hauv tsev thiab saib xyuas rau yus tus kheej muaj xws li cov kev pabcuam uas siv saib xyuas lub tsev kom huv si, tu chav plob kom huv thiab ib puag ncig kom muaj kev nyab xeeb thiab muab kev saib xyuas tseem ceeb rau yus tus kheej. Cov kev pabcuam uas muaj rau hauv qhov kev pab txhawb ntawm cov haujlwm hauv tsev neeg muaj xws li kev npaj thiab kev ua cov puas mov noj, kev tswj xyuas nyiaj txiag (tus kheej cov nyiaj txiag, kev npaj, cov nyiaj npaj siv thiab kev txiav txim siab), thiab kev ntxhua khaub ncaws. Nws kuj suav txog cov haujlwm hnyav hauv vaj hauv tsev xws li ntxuav npoo tsev, cov qhov rai thiab cov phab ntsa tsev, kho cov ntaub pua tsev thiab cov vuas vov kom ruaj, tshem tej yam hnyav los sis tej rooj tog tawm kom nkag mus los tau nyab xeeb, thiab kho tej yam me tau xws li tej yam uas ib tug neeg tuaj yeem ua tiav tau. Cov haujlwm hnyav hauv tsev thiab cov kev pabcuam uas tuaj yeem ua tau los ntawm ib tug neeg yog tsuas muaj rau thaum uas tus neeg ntawd los sis ib tug neeg hauv tsev neeg ntawd tsis tuaj yeem ua tau. Yuav muab cov kev pabcuam rau kis uas tsis hais tus kheej, los sis ib tug neeg nyob hauv tsev tsis muaj rab peev xwm saib xyuas tau los sis saib xyuas cov nyiaj txiag tau, thiab tsis muaj lwm tus kwvtij, neeg zov, tswv tsev, tus neeg sawv cev hauv lub zos/tus neeg pab dawb, los sis tus neeg thib peb sab nrauv yog tus them nqi los sis lav them rau lawv qhov kev pab saib xyuas. Hauv kis xauj lub tsev nyob, lub luag haujlwm ntawm tus tswv tsev, yuav tsum ua mus raws li daim ntawv cog lus xauj tsev, yuav raug tshuaj xyuas ua ntej tso cai kom lwm tus neeg muab kev pabcuam. Yuav tsis muaj kev sau nyiaj ntxiv ntawm tus neeg tu tsev los sis lwm cov neeg saib xyuas rau tus kheej/pab muab kev pabcuam.

## Cov Ntsiab Lus Ntawm Qhov Kev Pab Txhawb

6. Kev pab txhawb muaj xws li muab kev saib xyuas txog kev kho mob thiab saib xyuas kev noj qab haus huv ua ke kom ua tau raws li yam xav tau txhua hnuv ntawm tus neeg tuaj koom (xws li kev tswj xyuas cov tshuaj noj los sis ua haujlwm rau tus neeg tuaj koom uas yog tus muaj mob los sis yuav tsum siv tshuaj kho mob mus ntxiv.).Kev kho mob thiab saib xyuas kev noj qab haus huv xws li cov kev saib xyuas los ntawm tus kws kuaj mob uas tsis yog niaj hnuv pab saib xyuas kom tau raws li feem xav tau txhua hnuv ntawm tus neeg tuaj koom yog tsis raug muab saib xyuas.

7. Kev pab txhawb thiab cob qhia rau txog kev zov tus menyuam mos thiab saib xyuas cov menyuam yaus rau cov neeg tuaj koom uas yog, los sis yuav yog niam thiab txiv.

Ntawm lub chaw uas tau muab Cov Kev Pab Txhawb Ua Neej Nyob Hauv Lub Zos yuav tsum muaj txhua yam raws li hauv qab no:

1. Muaj kev saib xyuas koom nrog ua ke rau hauv thiab cov kev pab txhawb ntawm cov neeg uas tau txais Medicaid HCBS mus txog ntau tus neeg hauv lub zos, suav txog cov neeg uas nrhiav ua haujlwm thiab ua haujlwm rau hauv lub chaw muaj kev sib tw, tau koom nrog lub neej hauv lub zos, tswj xyuas tus kheej cov ntaub ntawv, thiab tau txais cov kev pabcuam rau hauv lub zos, ib yam nkaus li cov neeg uas tsis tau txais Medicaid HCBS.
2. Lub chaw uas raug xaiv los ntawm tus neeg los ntawm feem xaiv suav txog yam npaj ua rau rau cov neeg tsis xiam oob qhab thiab ib hom kev xaiv rau ntawm tus kheej ntiag tug ib lub chaw nyob hauv lub zos.
3. Saib xyuas kom ib tug neeg cov cai ntawm tus kheej ntiag tug, qhov muaj meej mom thiab kev hawm raug pov thaiv zoo, thiab tsis muaj kev yuam thiab kev txwv.
4. Tsim kom muaj txiaj ntsig ntau tshaj plaws, tab sis tsis yuam, yus tus kheej yog tus pib, yus tus kheej yog tus nqis tes ua, thiab muaj kev ywj pheej txog kev xaiv rau yus lub neej, suav txog yam hais los no tab sis kuj tsis yog tas li no xwb xws li: cov haujlwm ua txhua hnuv, yam ib puag ncig ntawm yus nyob, thiab nrog tus neeg twg sib tham.
5. Muaj cov kev xaiv rau cov kev pabcuam thiab pab txhawb, thiab cov neeg uas muab cov kev pabcuam ntawd.

Hauv kis uas tus kws muab kev pabcuam yog tus tswv los sis tswj xyuas hauv lub chaw nyob, yuav ua kom tau raws li feem hais los saum toj saud, yuav tsum muaj xws li nram qab no:

- Lub chaw los sis lub tsev nyob yog ib lub chaw tshwj xeeb uas nws yog tus tswv, xauj, los sis muaj ntaub ntawv cog lus raug cai los ntawm ib tug neeg uas tau txais cov kev pabcuam, thiab yam tsawg kawg tus neeg no yuav tsum muaj tib lub luag haujlwm thiab kev pov thaiv los ntawm kev raug ntiab tawm uas cov neeg xauj tsev muaj rau hauv tus tswv tsev/tus neeg xauj tsev txoj cai lij choj ntawm Lub Xeev, lub zos, lub nroog, los sis lwm lub chaw.

1. Txhua tus neeg muaj tus kheej ntiag tug rau hauv lawv lub chaw pw los sis lub chaw nyob:

- Tus neeg ntawd yuav tsum yog tus xauv cov qhov rooj nkag los rau ntawm lub chaw nyob, tsuas yog cov neeg ua haujlwm uas tsim nyog thiaj li muaj cov yawm sij nkag mus tau cov qhov rooj ntawd xwb.
- Cov neeg uas sib koom nyob ua ke hauv lub tsev muaj kev xaiv cov neeg koom nyob nrog rau ntawm lub chaw ntawd.
- Cov neeg no muaj kev ywj pheej kho tej rooj tog thiab ua kom lawv tej chaw pw los sis chaw nyob hauv lub tsev xauj no los sis lwm lub chaw uas tau cog lus kom zoo nkauj tuaj.

## Cov Ntsiab Lus Ntawm Qhov Kev Pab Txhawb

2. Cov neeg muaj kev ywj pheej thiab pab txhawb los tswj xyuas lawv tus kheej lub sijhawm thiab cov haujlwm, thiab tuaj yeem muab tau cov khoom noj tau txhua lub sijhawm.

3. Muaj rab peev xwm txais tos cov neeg tuaj saib raws li lawv cov kev xaiv tau txhua lub sijhawm.

4. Yam yuav tsum muaj no yuav tsum yog tus neeg ntawd tuaj yeem ncav mus los cuag tau.

5. Tej zaum hauv lub chaw los sis lub tsev nyob no yuav cov neeg nyob ua ke tsis ntau tshaj plaub tus neeg uas raug zam.

6. Kev hloov kho ib yam dab tsi ntiv raws li sau tseg rau nqe 1 txog 4 saum toj saud, yuav tsum raug tshuaj ntsuam xyuas seb puas tsim nyog pab txhawb thiab puas tsim nyog muab tso rau hauv qhov kev npaj pab txhawb rau tus kheej (IPP). Cov cai no yuav tsum raug muab sau tseg rau hauv qhov kev npaj (IPP):

- Txheeb xyuas ib yam tshwj xeeb thiab tshuaj ntsuam xyuas feem xav tau kev pab txhawb ntawm tus kheej.
- Sau cov kev pab txhawb zoo uas raug siv dhau los tseg ua ntej yuav muab coj los hloov ko rau hauv qhov IPP.
- Sau cov tswv yim nqis tes ua kom tau raws li qhov xav tau uas yuav muaj feem cuam tshuam tsawg tshaj plaws uas twb sim ua lawm, tab sis ua tsis tau raws li siab xav.
- Suav txog kev piav qhia kom muaj meej txog kis uas tsim nyog yuav tau tshuaj ntsuam xyuastshwj xeeb ntiv.
- Suav txog kev nquag kev suav sau thiab saib xyuas cov ntaub ntawv tas li txhawm rau kev ntsuas qhov ua tau zoo ntawm qhov hloov kho.
- Suav txog qhov teeb lub sijhawm txwv rau qee lub caij los saib xyuas seb qhov hloov kho ntawd tseem puas tsim nyog kho mus ntiv los sis yuav raug muab tso tseg.
- Suav txog daim ntawv pom zoo ntawm tus neeg ntawd.
- Suav txog tuaj yeem lav tias cov kev pab txhawb nqa thiab pab txhawb ntawd yuav tsis cuam tshuam ua rau tus neeg ntawd raug mob. Ntiv rau qhov ntawd, tus kws muab kev pabcuam uas yog tus tswv los sis xauj cov chaw ntawm lub chaw uas raug kho cov rooj tog kom zoo ntawd yuav tsum ua raws li Txoj Cai Neeg Meskas Xiam Oob Qhab.

Lub tswv yim uas xam cov nqi chav nyob thiab cov khoom noj haus tsis suav nrog cov nqi them rau qhov kev pabcuam no yeej muab sau tseg rau hauv Cov Ntaub Ntawv Tso Tom Qab 1-5.

### **Kev Pab Txhawb Nqa thiab Pab Txhawb rau qhov Mob Loj**

Kev Pab Txhawb Nqa thiab Pab Txhawb rau qhov Mob Loj yog ib qho kev pabcuam tshwj xeeb uas muab kev saib xyuas luv thiab pab txhawb rau tus cwj pwm kom qhov mob ntaug thiab muab kev saib xyuas thiab tiv thaiv rau tus neeg tuaj koom los sis lwm cov neeg uas nyob nrog tus neeg tuaj koom. Tej zaum qhov kev pabcuam yuav

## Cov Ntsiab Lus Ntawm Qhov Kev Pab Txhawb

suav txog kev siv thiab tsim kho cov kev pab txhawb kho tus cwj pwm kom pab kho tau kev paub tab ntawm tus neeg tuaj koom thiab muaj kev soj qab xyuas thiab tshuaj ntsuam xyuas txog tus cwj pwm. Qhov kev pabcuam no yeej raug txwv nruj mus raws li qhov raug pom zoo cia ua tau, raws li qhov pom ua pov thawj, cov tswv yim pab tau zoo.

Qhov kev pabcuam no raug tawm qauv los pab cov neeg tuaj koom kom ua tau los, tswj tau yam paub ua tau li qub thiab tsim kho kev pab yus tus kheej, cov txuj ci tseem ceeb uas siv nyob nrog sawd daws haum rau hauv lub tsev thiab hauv lub zos. Tej zaum yuav tau muab qhov kev pabcuam rau cov tswvcuab hauv tsev neeg yog lawv yog tus txais cov txiaj ntsig los ntawm tus neeg tuaj koom. Qhov kev pabcuam rau cov tswvcuab hauv tsev neeg muaj xws li keb cob qhia thiab kev qhia txog kev kho mob, suav txog kev qhuab qhia kev siv tshuaj kho mob, thiab cov niam tswv yim tswj xyuas feem yuav tshwm sim tsis zoo kom tsev neeg tuaj yeem pab txhawb rau tus neeg tuaj koom. Kev mus koom ntawm cov niam txiv ntawm cov menyuam yaus yog ib qho tseem ceeb pab txhawb kho tus cwj pwm tau zoo.

Pawg kws ua haujlwm rau qhov kev npaj rau tus neeg yuav xav txog qhov yuav tau mus koom kom pab txhawb tau raws li tus neeg tuaj koom feem xav tau. Kev Pab Txhawb Nqa thiab Pab Txhawb rau qhov Mob Loj suav txog qhov kev pab txhawb nqa rau kis mob loj rau hauv tus neeg tuaj koom lub tsev, thiab/los sis lub zos los sis rau ntawm lub chaw uas yuav tsum tau muab kev pabcuam txav mus los tau. Kev pab txhawb rau kis mob loj uas txav mus los tau yog ib qho kev saib xyuas mob nkeeg xwm txheej ceev rau hauv lub sijhawm txhua 24-teev rau tus neeg tuaj koom uas yeej pom tias muaj mob loj, muaj teeb meem nyob nrog sawd daws, thiab/los sis muaj teeb meem txog kev coj tus cwj pwm. Kev pab rau kis mob loj uas txav mus los tau yog muab kev saib xyuas kiag tam sim thiab muab kev pab txwv rau lub sijhawm rau tus neeg tuaj koom uas ntsib teeb meem txog kev nyob nrog sawd daws los sis muaj teeb meem txog kev coj tus cwj pwm, yog qhov ntawd tsis ntaug, yuav mob ntxiv tuaj thiab yuav tau kom tus neeg tuaj koom tsiv mus rau ib lub chaw uas muaj kev saib xyuas pab ntxiv.

Vim yog tseem ceeb, Kev Pab Txhawb Nqa thiab Pab Txhawb rau qhov Mob Loj thiaj li yuav tau kom tus neeg tuaj koom ua cov haujlwm tshwj xeeb raws li nram qab no:

1. Tshuaj ntsuam xyuas txog feem uas ua rau muaj teeb meem tau sai.
2. Sib koom tes nrog pawg kws ua qhov kev npaj los tsim kho qhov kev npaj pab txhawb.
3. Muab kev sab laj thiab cob qhia rau cov neeg ua haujlwm rau tus kws muab kev pabcuam raws li qhov tsim nyog thiaj li yuav pab tautus neeg tuaj koom qhov kev npaj pab txhawb tshwj xeeb raug ua tiav zoo.
4. Kev suav sau cov ntaub ntawv ntsig txog cov niam tswv yim pab txhawb rau tus cwj pwm thiab muab cov ntaub ntawv no xa mus rau tus neeg zov los sis tus kws muab kev pabcuam kom muab ua tau los sau nrog ua ke rau hauv cov ntaub ntawv teev num.
5. Kev mus koom txhua lub rooj sib tham ntsig txog kev kho mob.
6. Tsim kho thiab nqis tes ua qhov kev npaj pauv hloov mus rau qhov kev pab rau tus neeg tuaj koom thaum rov qab mus tsev yog tau muabkev pab txhawb qhov muaj mob loj rau sab nrauv tsev.
7. Txuas ntxiv pab cov tswv yim rau tus neeg zov los sis tus kws muab kev pabcuam rau ua qhov kev npaj pab txhawb rau tus neeg tuaj koom.
8. Muab lus taw qhia txog kev tiv thaiv los sis txo kom txhob muaj teeb meem mob loj rau yav tom ntej thiaj li yuav ua rau tus neeg tuaj koom tuaj yeem mus los hauv lub zos tau zoo ntxiv.

# Cov Ntsiab Lus Ntawm Qhov Kev Pab Txhawb

## Kev Kuaj Hniav

Kev kuaj hniav raug sau tseg rau hauv Title 22, California Code of Regulations, Tshooj 51059 ua haujlwm raws li kev txawj ua los sis muab kev saib xyuas los ntawm cov kws kho hniav, suav txog kev tshuaj ntsuam xyuas thiab kho tib neeg cov hniav uas tuaj tsis raug chaw, kab mob hniav los sis hniav ntxas kaus, pos hniav tsis zoo, pob tsaig tsis zoo thiab ua rau tag nrho cov hniav tuaj tau tsis sib phim; kev siv cov tshuaj kho, tshuaj loog thiab kev tshuaj ntsuam xyuas lub cev; kev sab laj; kev saib hauv rau hauv tsev, tom chav ua haujlwm thiab tom lub chaw haujlwm.

Txhua yam kev kuaj hniav tseem ceeb rau cov menyuam yaus hnuv nyoog qis dua 21 xyoo raug them nqi rau hauv lub xeev cov nyiaj pab kom mus raws li cov nyiaj pab ntawm EPSDT. Kev kuaj hniav rau hauv qhov kev zam no tsuas pab kuaj rau cov neeg uas muaj hnuv nyoog 21 xyoos thiab siab dua xwb thiab tsuas pub kuaj hniav kho hniav raws li qhov raug pom zoo los ntawm lub xeev cov nyiaj pab. Kev kuaj hniav rau hauv lub xeev cov nyiaj pab uas raug pom zoo yog muaj kev txwv \$1800 rau hauv ib lub xyoos puag ncig los sis raws li cov nqi uas xam tias yog kho mob tseem ceeb.

## Cov Kev Pab Txhawb Los Ntawm Kev Ua Haujlwm

Tau muab qhov kev pabcuam no rau cov neeg tuaj koom kom lawv ua tau raws li lawv tus kheej rab peev xwm ua tau rau yam ua tau los, tsim kho thiab/los sis tuav tswj cov txuj ci thiab rab peev xwm los npaj thiab pab txhawb rau tus neeg tuaj koom kom nws tau mus koom tej haujlwm hauv lub zos, muaj kev ywj pheej nyob nrog sawd daws, muaj kev ywj pheej rau nws tus kheej, thiab/los sis ua txoj haujlwm hauv lub zos. Cov kev pab txhawb no yuav ua rau cov neeg tuaj koom tau txais cov kev pabcuam rau hauv lub zos txhawm rau kev nrhiav ua haujlwm thiab ua haujlwm tau rau hauv lub chaw uas muaj kev sib tw ntau.

Tus neeg tuaj koom xaiv qhov kev pabcuam no los ntawm feem xaiv suav txog feem uas siv rau cov neeg tsis xiam oob qhab. Feem kev xaiv no yog saib raws li tus neeg tuaj koom qhov xav tau thiab nyiam. Tus neeg tuaj koom uas tau txais qhov kev pabcuam no rau hauv lub chaw uas muaj ntau yam kev pab txhawb yuav ua rau lawv ua tau ntau yam rau hauv lub zos, thiab ua rau tus neeg tuaj koom muaj kev yooj yim, muaj kev ywj pheej nyob nrog sawd daws, muaj kev ywj pheej rau nws tus kheej, ua tau yam nws nyiam, thiab siv tej khoom siv tev naus laus zis ub no los tau. Tus neeg tuaj koom qhov kev xaiv yeej raug muab sib xyaws ua ke rau hauv cov kev pabcuam thiab pab txhawb thiab nws tus kheej cov cai tseem ceeb txog kev ceev tus kheej ntiag tug, kev muaj meej mob thiab kev hawm, thiab kev thaj yeeb los ntawm kev raug hawv yeej raug pov thaiv tag nrho. Lub chaw muab kev pabcuam no yuav tsum ua rau tus neeg tuaj koom tswj xyuas tau nws tus kheej. Ntxiv rau qhov no, lub chaw no yuav tsum cia tus neeg tuaj koom so ib yam nkaus li cov neeg uas tsis xiam oob qhab.

Cov kev pab txhawb rau kev ua haujlwm yog tawm qauv los pab rau cov neeg uas raug txheeb xyuas pom los ntawm pawg kws ua qhov kev npaj pab rau cov neeg tuaj koom kom lawv nrhiav tau haujlwm ua thiab tuav lawv txoj haujlwm tau li qub, suav txog kev ua haujlwm rau yus tus kheej, rau hauv cov haujlwm hauv lub zos kom ua tau raws li feem npaj tseg ntawm tus neeg tuaj koom. Lub hom phiaj npaj tseg ntawm qhov kev pabcuam no yuav tsum tau them tus nqi ntiav ua haujlwm npaum li los sis siab dua tus nqi dag zog qis kawg nkaus rau hauv cov haujlwm ua thauj pais, hauv ib txoj haujlwm uas tau raws li txoj haujlwm ntawm tus kheej lub hom phiaj. Qhov kev pabcuam no tsis suav nrog kev them nqi rau kev cob qhia, pab txhawb thiab hloov kho uas ib txwm muaj rau

## Cov Ntsiab Lus Ntawm Qhov Kev Pab Txhawb

lwm cov neeg ua haujlwm tsis xiam oob qhab hauv tib txoj qeb dej num zoo ib yam hauv lub chaw ua haujlwm ntawd. Cov kev pab pabcuam thiab pab txhawb no kuj suav txog cov haujlwm kev tshawb nrhiav txoj haujlwm, kev ua haujlwm rau yus tus kheej, thiab kev so noj nyiaj laus.

Tej zaum tus neeg tuaj koom yuav tau txais Cov Kev Pab Txhawb Txog Kev Nrhiav Haujlwm Ua ua ke nrog, xws li:

- a. Kev tsim kho lub cev kom muaj rab peev xwm xws li txhawj xeeb txog kev noj qab haus huv.
- b. Kev tsim kho cov txuj ci kho mob puas hlwb.
- c. Kev tsim kho cov txuj ci sib tham nrog lwm tus neeg, sib txuas lus/nyob nrog lwm tus thiab kev yoog raws lwm tus xws li kev teb lus kom tsim nyog rau cov thawj saib xyuas haujlwm/cov neeg ua haujlwm ua ke.
- d. Kev tsim kho cov haujlwm niaj hnuv ua xws li kev mus koom thiab kev ua kom ncav lub sijhawm, kev npaj ntsees rau cov haujlwm.
- e. Kev tsim kho kev hnav cov ris tsho thiab ntsis plaub hau kom tsim nyog rau txoj haujlwm.
- f. Kev tsim kho cov txuj ci ua haujlwm kom tau zoo xws li cov qauv ua haujlwm tau zoo thiab ua tau los zoo.
- g. Kev cob qhia kev xyaum ua haujlwm xws li ua raws li cov lus qhia, ua cov haujlwm tiav.
- h. Kev tsim kho cov txuj ci ua haujlwm xws li daws teeb meem, txoj kev npaj rau kev ua haujlwm rau yav tom ntej.
- i. Cov txuj ci kev tswj xyuas nyiaj txiag thiab kev hais qhia txog cov nyiaj khwv tau los.
- j. Kev tsim kho thiab siv cov kev pab txhawb ua txoj haujlwm.
- k. Neeg ua haujlwm xyaws nrog cov tswv yim ua.
- l. Kev tsim kho cov haujlwm sib koom tes hauv lub zos/kev tsim kev sib raug zoo.
- m. Cov txuj ci nyab xeeb thiab kev cob qhia.
- n. Kev tshawb nrhiav txoj haujlwm, kev nrhiav haujlwm, thiab cov txuj ci xam phaj.
- o. Kev cob qhia txog kev pab tswv yim rau tus kheej, kev mus koom sib sab laj, kev pab tswv yim ua haujlwm nrog tus khub ua haujlwm, kev pab tswv yim txog txoj haujlwm, thiab kev mus koomlub koom haum ntawm cov phooj ywg.
- p. Kev yeem pab dawb rau tus neeg uas tab tom nrhiav ua haujlwm los sis xav nrhiav haujlwm.
- q. Kev tshuaj ntsuam xyuas tus kheej.
- r. Kev tshuaj xyuas txoj haujlwm, kev tsim kho txoj haujlwm thiab kev hloov txoj haujlwm kom tsim nyog rau txoj haujlwm thiab phim rau tus neeg tuaj koom thiab tus tswv num.
- s. Kev pab qhia ncaj qha los sis kev cob qhia thaum tus neeg tuaj koom mus ua haujlwm ua ke nrog.
- t. Kev pab tswv yim ua haujlwm rau ntawm lub chaw ua haujlwm los sis tsis yog ntawm lub chaw ua haujlwm.
- u. Kev sab laj nrog ib tug neeg tuaj koom/tsev neeg thiab/los sis tus neeg sawv cev raug cai kom qhov kev pab txhawb ntawm tus neeg tuaj koom hauv kev hloov txoj haujlwm los sis npaj so noj nyiaj laus.
- v. Kev pab tswv yim txog cov txiaj ntsig ntawm qhov kev npaj kom ib tug neeg qhua nkag siab txog cov nyiaj khwv tau los thiab cov nyiaj uas tau txais los ntawm tsoomfwv xws li SSI, SSA, Medi-Cal, thiab PASS Cov Kev Npaj.
- w. Kev sab laj nrog tus tswv num cov neeg ua haujlwm saib xyuas txog Kev Sib Raug Zoo Ntawm Tib Neeg .
- x. Kev tshuaj ntsuam xyuas feem xav tau cov khoom siv tev naus laus zis thiab cov khoom siv tev naus laus zis sib txuas lus.

## Cov Ntsiab Lus Ntawm Qhov Kev Pab Txhawb

y. Kev ua kom txoj haujlwm zoo ua xws li hloov kho cov khoom siv ua haujlwm, cov txheej txheem ua, thiab cov cai ua haujlwm.  
Z. Kev ua haujlwm rau tus kheej thiab kev tsim kho txoj haujlwm xws li kev tshuaj xyuas cov haujlwm yuav ua tau, kev tsim kho qhov kev npaj ua cov haujlwm, kev tshuaj xyuas cov kev pab txhawb xav tau, muaj kev pab kom tsis tu ncuu thiab pab txhawb.

Kev thauj mus los rau ntawm tus neeg tuaj koom lub chaw nyob mus rau tom lawv lub chaw ua haujlwm tsis muaj nyob rau hauv qhov kev pabcuam no. Cov kev pabcuam thiab pab txhawb uas hais los saum toj saud tsis tuaj yeem muab los siv tau raws li txoj cai pab nyiaj hauv kis §110 ntawm Txoj Cai Kho Kom Rov Qab Zoo Los ntawm xyoo 1973 (29 U.S.C. 730) los sis §602(16) thiab (17) ntawm Txoj Cai Saib Xyuas Kev Kawm Ntawv Ntawm Cov Neeg Xiam Oob Qhab (IDEA.) (20 U.S.C. 1401 (16 thiab 17)).

### Kev Hloov Kho Kom Nyob Taus Hauv Ib Puag Ncig

Cov kev kho ib puag ncig rau hauv tus neeg tuaj koom lub tsev, yuav tsum yog los ntawm tus neeg no qhov IPP, yam uas yuav ua kom noj qab haus huv, pab tau zoo thiab muaj kev nyab xeeb rau nws tus kheej, los sis yam yuav ua kom nws txav mus los hauv lub tsev tau ywj pheej, thiab saib xyuas kom txhob muaj yam uas yuav muaj feem cuam tshuam tsis zoo rau tus kheej. Tsuas pub muab cov kev pabcuam no xwb rau thaum lwm tus neeg (xws li tus tswv tsev) tsis lav hloov kho yam xav tau rau hauv lub cev.

Cov kev hloov kho no muaj xws li kev teeb qhov nce thiab nqis thiab cov las tuav, kho kom cov kev nkag ntawm cov qhov rooj kom dav, kho chav das dej, los sis teeb hom hluav taws tshwj xeeb thiab cov kav dej uas siv tau yooj yim nrog yam khoom siv thiab cov khoom siv kho mob uas yuav pab tau zoo rau tus neeg ntawd. Pub kho rau tej ntawd tau, kev hloov kho thiab kho lwm thaj chaw kom nkag mus los tau yooj yim yuav tsum raug pom zoo raws li ib kis rau ib kis vim cov khoom siv tev naus laus zis pauv hloov los sis vim tus neeg tuaj koom lub cev hloov los sis ib puag ncig hloov.

Yam tsis muaj nyob rau hauv cov yuav raug hloov kho los sis raug tsim kho rau hauv lub tsev yog yam siv thauj pais, thiab tsis yog yam ntsig txog kev kho mob los sis muaj txiaj ntsig rau tus kheej, xws li ntaub pua tsev, kho cov vuas vov, cov cua txias thiab kub, thiab lwm yam. Yuav tsum muab txhua yam kev pabcuam kom mus raws li cov cai siv hauv cov tsev ntawm Lub Xeev los sis siv rau hauv ib cheeb tsam.

- Tej zaum yuav tau hloov kho ib puag ncig hauv tus neeg tuaj koom lub tsev ua ntej nws yuav hloov ntawm ib lub chaw mus nyob rau hauv lub zos. Yam yuav hloov kho no yuav tsum raug ua thaum tus neeg no tseem nyob hauv lub chaw saib xyuas. Kev hloov kho ib puag ncig, suav txog qhov kev npaj saib xyuas ntawm tus neeg ntawd, tej zaum yuav tau kho ua ntej li 180 hnuv tus neeg no yuav tawm mus ntawm lub chaw saib xyuas. Txawm li cas los xij, yam hloov kho ntawd yuav tsis muab kho kom tiav kom mus txog thaum hnuv tus neeg no tawm mus ntawm lub chaw saib xyuas thiab tso npe rau hauv qhov kev zam.

### Kev Pab Txhawb Rau Tsev Neeg

Kev saib xyuas thiab zov ntawm cov menyuam yaus, rau cov sijhawm tsawg dua 24 teev hauv ib hnuv, thaum cov niam txiv/tus neeg pab zov dawb tsis nyob hauv tsev lawm. Qhov kev pabcuam no muab rau hauv tus neeg ntawd lub tsev los sis rau sab nrauv ib lub chaw uas raug pom zoo

# Cov Ntsiab Lus Ntawm Qhov Kev Pab Txhawb

ua tau txhua yam xws li nram qab no:

1. Pab cov tswvcuab hauv tsev neeg saib xyuas tus neeg ntawd rau hauv lub tsev;
2. Muab kev saib xyuas thiab zov kom tsim nyog thiaj pov thaiv kom tus neeg ntawd muaj kev nyab xeeb rau thaum cov tswvcuab hauv tsev neeg tsis nyob lawm;
3. Pab cov tswvcuab hauv tsev neeg saib xyuas rau tus neeg ntawd kom tsis tu ncuu; thiab
4. Koom nrog tus neeg ntawd feem pab rau yus tus kheej thiab lwm cov haujlwm uas ua txhua hnuv, suav txog kev sib tham, kev nyob nrog sawd daws, thiab kev ua cov haujlwm uas niaj hnuv ua uas feem ntau yog cov tswvcuab hauv tsev neeg yog cov ua. Kev them nyiaj rau cov kev pabcuam rau tsev neeg tsuas them rau thaum cov nqi pabcuam no tshaj cov nqi muab kev pabcuam rau ib tug neeg uas muaj hnuv nyoog ib yam thiab nws tsis yog tus xiam oob qhab.

## Kev Cob Qhia Rau Tsev Neeg/Neeg Qhua

Muab kev pab txhawb rau tsev neeg/tus neeg qhua thiab kev cob qhia raws li feem xav tau, nrog rau cov kev pab ntawm lub xeev rau hauv qhov kev zam no. Cov kev pabcuam no muaj xws li kev cob qhia los ntawm cov kws muab kev pabcuam uas muaj ntaub ntawv tso cai ua tau txhawm rau kev saib xyuas los sis muab kev kho mus ntev. Tej no muaj xws li kev pab txhawb los sis kev pab tswv yim rau tus neeg qhua thiab/los sis tsev neeg kom lawv nkag siab zoo txog qhov kev kho mob ntawd thiab yam kev pab txhawb uas xav tau rau tom tus neeg ntawd lub tsev uas yuav pab ua kom qhov kev kho mob tau zoo.

Cov kev pabcuam no raug muab saib xyuas rau cov neeg uas muaj hnuv nyoog 21 xyoos thiab siab dua.

## Kev Tswj Xyuas Feem Nyiaj Txiag

Qhov kev pabcuam no yuav pab ua rau tsev neeg los sis tus neeg tuaj koom: (a) tswj xyuas thiab them cov nyiaj uas muaj nyob hauv tus neeg tuaj koom cov nyiaj npaj siv, thiab saib xyuas kom tus neeg tuaj koom muaj nyiaj txaus los siv rau nws Qhov Kev Npaj Pab Txhawb Rau Tus Kheej (IPP) rau hauv lub xyoos ntawd; (b) qhia rau cov kws muab kev pabcuam los ntawm tsev neeg los sis tus neeg tuaj koom, tsis hais tus neeg sawv cev saib xyuas feem nyiaj txiag ntawm tus neeg tuaj koom los sis tus tswv num sib koom tes ua ke, kev ua haujlwm xws li tus tswv num muaj lub luag haujlwm zoo li hais nram qab no, tab sis kuj tsis yog tas li no xwb xws li, kev them nyiaj hli, kev tswj xyuas cov nqi ntawm tsoomfwv, lub xeev, thiab hauv ib cheeb tsam thiab them cov nqi se mus rau cov chaw sau se; thiab, (c) saib xyuas kev siv thiab tuav cov nyiaj txiag hauv ib lub xyoos puag ncig thiab hais qhia mus rau tus neeg tuaj koom los sis tsev neeg thiab lwm tus neeg uas xav tau.

Qhov kev pabcuam no muaj nrog ua ke rau hauv cov haujlwm nram qab no los pab rau tus neeg tuaj koom lub luag haujlwm raws li yog tus tswv num los sis tus tswv num sib koom tes ua ke:

1. Kev pab tus neeg tuaj koom txheeb xyuas yam haujlwm uas nws ua tau thiab feem kev paub ua haujlwm thiab kev kawm ntawm tus kws muab kev pabcuam
2. Saib xyuas kom cov kws muab kev pabcuam uas raug ntiav los ntawm tus neeg tuaj koom raug tshuaj ntsuam xyuas keeb kwm kev ua txhaum cai yav dhau los raws li qhov yuav tsum tau ua thiab raws li tau thov los ntawm tus neeg tuaj koom.

## Cov Ntsiab Lus Ntawm Qhov Kev Pab Txhawb

3. Kev suav sau thiab saib xyuas cov sijhawm ua haujlwm ntawm cov neeg ua haujlwm.
4. Saib xyuas kev them cov nyiaj hli, kev tuav cov nyiaj, kev thov thiab them cov nqi se thiab pab kas phais ntsig txog kev ua haujlwm nrog tsoomfww, lub xeev, thiab hauv ib cheeb tsam.
5. Soj qab xyuas, npaj thiab muab cov ntawv teev num (xws li cov nqi siv nyiaj) xa rau cov neeg/cov chaw uas tsim nyog yuav tau txais.
6. Saib xyuas txhua cov ntaub ntawv teev tseg uas ntsig txog cov kev pabcuam uas raug tso cai thiab cov nqi siv nyiaj.
7. Saib xyuas cov ntaub ntawv siv nyiaj thiab tuav nyiaj txiag rau ntawm txhua tus neeg tuaj koom cov nyiaj nyias tuav tseg rau nyias li.
8. Muab cov ntaub ntawv qhia txog kev siv nyiaj ntawm tus neeg tuaj koom cov nyiaj npaj siv hauv txhua lub hlis uas hais txog cov nyiaj muab faib rau cov haujlwm raws li hom nyiaj npaj siv, cov nyiaj raug siv rau hauv lub sijhawm 30 hnuv, thiab cov nyiaj tseem tshuav rau hauv tus neeg tuaj koom covl nyiaj npaj siv qhia rau tus neeg tuaj koom thiab lub chaw ua haujlwm hauv ib cheeb tsam.
9. Saib xyuas kom kev them nqi txhob pub tshaj cov nyiaj uas tau sau tseg rau hauv tus neeg tuaj koom cov nyiaj npaj siv.
10. Ua txhua lwm lub luag haujlwm ntawm FMS raws li lub luag haujlwm yuav tsum tau ua ntawm cov cai lij choj thiab cov cai kav hauv ib cheeb tsam, lub xeev thiab tsoomfww.

### Tus Kws Pab Saib Xyuas Kev Noj Qab Haus Huv Rau Hauv Tsev

Cov khoom pabcuam saib xyuas kev noj qab haus huv rau hauv tsev raug hais tseg rau hauv 42 CFR §440.70 raug muab rau cov neeg uas muaj hnuv nyoog 21 xyoos thiab siab dua thiab tsuas pub saib xyuas kev noj qab haus huv rau hauv tsev raws li qhov raug pom zoo los ntawm Lub Xeev cov nyiaj pab. Cov khoom pabcuam saib xyuas kev noj qab haus huv rau hauv tsev raws li cov nyiaj pab ntawm lub xeev raug txwv raws li cov nyiaj uas siv rau qhov kev kho mob tseem ceeb. Txhua yam khoom pabcuam kho mob tseem ceeb rau hauv tsev rau cov menyuam yaus hnuv nyoog qis dua 21 xyoo raug them nqi rau hauv lub xeev cov nyiaj pab kom mus raws li cov nyiaj pab ntawm EPSDT. Txoj haujlwm thiab keeb kwm ntawm cov kev pabcuam no yuav tsum tsis sib txawv dua cov khoom pabcuam saib xyuas kev noj qab haus huv rau hauv tsev raws li cov nyiaj pab ntawm Lub Xeev. Cov kev pabcuam no yeej raug sau tseg zoo ib yam nkaus li yam uas raug pom zoo rau hauv cov nyiaj pab ntawm Lub Xeev. Siv feem kev paub ua haujlwm thiab kev kawm tiav ntawm tus kws muab kev pabcuam raws li sau tseg rau hauv cov nyiaj pab ntawm Lub Xeev.

### Niam Tsev

Cov kev pabcuam uas muaj cov haujlwm uas niaj hnuv ua hauv tsev neeg (kev npaj ua zaub mov thiab kev saib xyuas tsev neeg) raug muab los ntawm ib tug neeg uas muaj txuj ci los ua tus niam tsev rau hauv tus neeg tuaj koom qhov IPP thaum tus neeg uas niaj hnuv ua cov haujlwm no tsis nyob ib ntus lawm los sis nws tus kheej los sis lwm tus neeg hauv lub tsev tsis tuaj yeem tswj xyuas lub tsev thiab siab xyuas lub tsev tau lawm.

### Cov Kev Pab Txhawb Kom Nrhiav Tau Tsev Nyob

Kev Pabcuam Kom Nrhiav Tau Tsev Nyob muaj ob feem:

A) Kev Pabcuam Pauv Hloov Chaw Nyob Rau Tus Kheej. Cov kev pabcuam no yog:

## Cov Ntsiab Lus Ntawm Qhov Kev Pab Txhawb

1. Kev kuaj xyuas ib tus neeg xauj tsev thiab kev tshuaj ntsuam xyuas seb yam muaj nyob rau hauv lub chaw ntawd puas raug raws li tus neeg tuaj koom nyiam thiab cov kev cuam tshuam uas yuav ua rau tus neeg xauj tsev nyob tau. Qhov kev tshuaj ntsuam xyuas no muaj xws li kev muab cov ntaub ntawv ntsig txog feem yuav muaj kev cuam tshuam rau qhov kev pauv hloov lub chaw nyob, thiab txheeb xyuas feem yuav muaj kev cuam tshuam rau kev tuav tswj lub chaw nyob no tau.
  2. Kev tsim kho ib lub tsev nyob rau ib tug neeg yog saib raws li qhov kev tshuaj ntsuam xyuas uas yuav pab dawb tau yam cuam tshuam, suav txog cov hom phiaj yuav ua mus rau lub sijhawm luv thiab ntev rau txhua qhov teeb meem, npaj lub tswv yim ua kom tau raws lilub hom phiaj ntawm tus neeg tuaj koom, thiab txheeb xyuas seb thaum twg mam li nrhiav lwm cov kws muab kev pabcuam los sis cov kev pabcuam, tag nrho cov yuav tau them nyiaj thiab tsis tau them nyiaj los ntawm Medicaid, thiaj li yuav ua tau raws li lub hom phiaj.
  3. Kev pab ib tug neeg twg thov ib lub tsev nyob. Kev pab tshawb nrhiav lub tsev nyob.
  4. Kev pab ib tug neeg nrhiav lub chaw nyob uas nws tuaj yeem them taus tus nqi siv ub no rau hauv lub tsev los sis cov nqi pabcuam ub no xws li nqi xov tooj, hluav taws xob, cua kub thiab nqi dej, thiab yam kev pabcuam tseem ceeb rau tus neeg no li kev noj qab haus huv thiab kev nyab xeeb, suav txog kev tua cov kab laum thiab kev tu lub tsev ib zaug ua ntej yuav mus nyob.
  5. Kev pab ib tug neeg lis haujlwm nrog cov chaw nyob ntawd los txheeb xyuas tej chaw nyob ntawm seb zoo li casua ntej yuav tsiv mus nyob thiaj li yuav ua rau muaj kev nyab xeeb rau tus qhua.
  6. Kev pab ib tug neeg tsiv mus nyob suav txog kev sib tham nrog tus tswv tsev txog hnuv yuav siv mus, nyeem kom nkag siab txog cov ntaub ntawv cog lus xauj tsev, teem caij kho tej dej siv thiab hluav taws xob thiab npaj xa tus neeg qhua ntawd cov khoom siv mus rau ntawm lub chaw nyob ntawd.
  7. Kev tsim kho qhov kev npaj pab txhawb rau hauv lub tsev rau kis muaj teeb meem xws li kev tiv thaiv thiab kev pab saib xyuas ua ntej lub tsevyuav poob rau kis txaus ntshai.
- B) Tus Kheej Lub Tsev thiab Kev Pabcuam Kom Tus Neeg Xauj Tsev Them Taus - Qhov kev pabcuam no yog pab txhawb rau cov neeg xauj tsev nyob kom lawv nyob taus lub tsev no kiag thaum cog lus xauj lub tsev no lawm. Tseem yuav muaj kev pabcuam txuas mus ntxiv rau ntawm lub tsev nyob no mus ntev thiab pab txhawb nqa kom nyob taus lub tsev no, kev txhawb nqa hauv lub zos thiab kev tsim cov kev sib pab txhawb raws li keeb kwm muaj dhau los. Cov kev pabcuam rau tus neeg xauj tsev yog:
1. Muab tej yam yuav cuam tshuam tsis zoo thiab kev coj tus cwj pwm nyob rau ntawm lub chaw nyob no qhia rau tus neeg ntawd, xws li thaum them tus nqi xauj tsev qeeb thiab kev ua txhaum cov cai xauj lub tsev.
  2. Muab kev qhia thiab cob qhia txog lub luag haujlwm, cov cai thiab lub luag haujlwm ntawm tus neeg xauj tsev thiab tus tswv tsev.
  3. Pab tswv yim rau tus neeg ntawd txog kev tsim kho thiab kev ntaus phooj ywg zoo nrog cov tswv tsev/cov thawj saib xyuas lub tsev kom tau raws lilub hom phiaj xauj taus lub tsev nyob.
  4. Kev pab ib tug neeg daws tej yam tsis sib haum xeeb nrog cov tswv tsev thiab/los sis cov neeg nyob ze thiaj li pab ua rau tsis muaj feem raug ntiab tawm los sistshwm sim lwm yam tsis zoo.
  5. Muab kev qhuab qhia txog tej chaw pab nyob hauv lub zos rau tib neeg thiaj li tiv thaiv tsis raug ntiab tawm thaum lub tsev nyob poob rau kis txaus ntshai, los sis yuav muaj feem poob rau kis txaus ntshai.
  6. Pab ib tug neeg lis cov ntaub ntawv ua pov thawj rov qab xauj lub tsev nyob.
  7. Sib tham nrog tus neeg xauj tsev nyob los saib xyuas, kho dua tshiab thiab hloov kho tej yam kev pab txhawb rau hauv lub tsev thiab qhov kev npaj ua rau tej kis yuav tshwm sim tsis zoothiaj li

## Cov Ntsiab Lus Ntawm Qhov Kev Pab Txhawb

pom txog feem xav tau tam sim no thiab daws tau tej yam cuam tshuam los sis pab ua rau nyob taus lub tsev no mus ntxiv.

8. Muab kev cob qhia txuas mus ntxiv rau tug neeg ntawd kom ua ib tug neeg xauj tsev zoo suav txogmuab kev pab txhawb txuas mus ntxiv rau cov haujlwm tswj xyuas lub tsev.

Kev Pabcuam Kom Nrhiav Tau Tsev Nyob tsis muaj them cov nqi rau hauv chav nyob thiab nqi zaub mov noj.

Cov neeg uas tau txais Cov Tsev Nyob Saib Xyuas Kev Noj Qab Haus Huv los sis California Qhov Kev Pauv Hloov Chaw Nyob Hauv Lub Zos yuav tsis tau txais qhov kev pabcuam no, tshwj tsis yog Tau Tsev Nyob los ntawm qhov kev raug zam kom cov neeg qhua ntawd muaj kev noj qab haus huv, nyab xeeb thiab noj qab nyob zoo rau hauv lub tsev thiab/los sis lub zos no.

### Tus Kws Cev Lus Ua Haujlwm Ywj Pheej

Tus Kws Cev Lus Ua Haujlwm Ywj Pheej yog ib tug neeg, raug xaiv thiab tswj xyuas los ntawm tus neeg tuaj koom, tus neeg uas tsis yog tus muab kev pabcuam rau tus neeg tuaj koom kom mus raws li nws qhov IPP. Qhov kev pabcuam los sis kev lis haujlwm pab rau tus neeg tuaj koom los npaj kom tau txais kev pabcuam raws li qhov xav tau uas raug sau tseg rau hauv tus neeg tuaj koom qhov IPP. Yuav muaj qhov kev pabcuam raws li hais los no, tab sis kuj tsis tas li no xwb xws li:

1. Mus koom ua qhov kev npaj rau tus neeg.
2. Txheeb xyuas feem xav tau, feem nyiam, cov hom phiaj thiab yam yuav tau ua ntawm tus neeg tuaj koom txog kev tsim kho qhov IPP rau lub sijhawm tam sim no thiab mus tev rau yav tom ntej.
3. Txiav txim siab txog tus kheej ntiag tug cov nyiaj npaj siv.
4. Tsim kho feem kev xaiv kom tau raws li feem kev xav tau kiag tam sim no thiab mus ntev rau yav tom ntej uas raug txheeb xyuas txog kev saib xyuas thiab pab txhawb rau hauv qhov IPP.
5. Pab tswv yim sawv cev tam rau ntawm tus neeg tuaj koom rau thaum ua qhov kev npaj rau tus neeg thiab tsim kho qhov IPP, tau txais cov kev pabcuam thiab pab txhawb uas raug txheeb xyuas pom ntawd.

Tej zaum tus neeg tuaj koom/tsev neeg yuav ntiav, los sis cog lus nrog ib tug IF, thiab yuav hais kom muaj mee rau hauv qhov IPP cov haujlwm uas IF yuav tau ua. Tej zaum ib tug neeg tuaj koom yuav xaiv siv nws lub chaw ua haujlwm hauv ib cheeb tsam tus kws lis haujlwm los ua haujlwm tam rau tus IF, hloov kev cog lus nrog, los sis siv qhov kev pabcuam los ntawm ib tug kws cev lus ua haujlwm ywj pheej. Qhov kev pabcuam no yuav tsum tsis yog muab ntxiv los ntawm tus neeg tuaj koom tus kws lis haujlwm.

### Kev Cob Qhia Rau Tus Kheej thiab Kev Kawm

Cov Kev Pabcuam Cob Qhia Rau Tus Kheej thiab Qhia Ntawv muaj xws li cov kev cob qhia, cov rooj sib tham thiab sib sab laj txog kev pab tus neeg tuaj koom kom ua tau cov txuj ci thiab tsim tau cov txuj ci rau nws lub luag haujlwm raws li yog ib tug tswv num, kev tsim kev ntaus phooj ywg, kev daws teeb meem

## **Cov Ntsiab Lus Ntawm Qhov Kev Pab Txhawb**

thiab kev txiav txim siab. Qhov kev pabcuam no yuav pab ua rau tus neeg tuaj koom tau cov txuj ci uas yuav ua rau tus neeg tuaj koom muaj cov txuj ci pab tswv yim rau yus tus kheej, siv tus neeg tuaj koom cov cai, thiab tswj xyuas thiab saib xyuas txog lawv cov kev pabcuam thiab pab txhawb ntawm SDP.

Qhov kev pabcuam no muaj xws li cov nqi tso npe, cov phau ntawv thiab lwm yam ntaub ntawv/cov ntaub ntawv siv hauv lub rooj sib tham uas yuav tsum muaj rau thaum cob qhia thiab qhia ntawv rau tus kheej, thiab cov nqi thauj mus los, tab sis tsis suav txog cov nqi pib nyob hoom, qhov ntawd yog ib qho tseem ceeb yuav ua rau mus koom qhov kev cob qhia thiab kev qhia ntawv rau tus neeg ntawd tau. Qhov kev pabcuam no tsis raug xam cov nqi puas mov noj los sis cov nqi pw rau ntawm lub chaw ntawd. Cov kev pab txhawb txog Kev Cob Qhia thiab Qhia Ntawv Rau Ib Tug Neeg raws li feem lawv xav tau los sis nws cov hom phiaj uas raug sau tseg rau hauv tus neeg tuaj koom qhov IPP.

Tsis muab qhov kev pabcuam no rau thaum tau txais cov nyiaj pab txhawb Kev Kawm Ntawv Los Ntawm Tsoomfwm lawm vim yuav tsum muaj rau hauv IDEA (P.L.105-17, qhov IDEA). Ua ntej yuav tau txais cov nyiaj rau qhov kev pabcuam no, yuav tsum tshawb nrhiav lwm pob nyiaj pab thiab cov nyiaj pab uas tsim nyog yuav raug pab, suav txog cov nyiaj muab pab los ntawm Lub Tsev Haujlwm Saib Xyuas Kom Rov Qab Zoo Los los sis Kev Kawm Ntawv thiab twb siv cov nyiaj no tag lawm. Yuav tsum sau tseg txog kev tshawb nrhiav cov nyiaj pab no tso rau hauv tus neeg tuaj koom cov ntaub ntawv khaws tseg.

Qhov kev pabcuam no yuav tsum tsis yog cov haujlwm raug ua dua ntxiv los ntawm Tus Kws Cev Lus Ua Haujlwm Ywj Pheej qhov kev pab uas raug zam los sis Kev Tswj Xyuas Qhov Teeb Meem. Tsis hais cov nqi siv rau kis tswj xyuas qhov teeb meem los yog siv rau Tus Kws Cev Lus Ua Haujlwm Ywj Pheej qhov kev pab uas raug zam yeej muaj cov nqi cob qhia los sis cov nqi tso npe. Dhau qhov no lawm, tej zaum cov kws muab kev pabcuam ntawm Tus Kws Cev Lus Ua Haujlwm Ywj Pheej yuav tsis muab lwm yam kev pabcuam ntxiv rau ib tug neeg tuaj koom. Tus kws muab kev pabcuam rau ntawm Feem Tswj Xyuas Nyiaj Xtiag yuav tsum saib xyuas kom ua mus raws li qhov yuav tsum tau ua no.

### **Cov lav thiab Daim Ntas**

Qhov kev pabcuam no pab them cov nqi iav thiab daim ntas rau iav rau cov neeg qhua uas muaj hnuv nyoog tshaj 21 xyoos raws li tus nws kuaj mob hais thiab yuav txwv rau kev kho cov iav thiab daim ntas rau iav kom zoo nkauj raws li kis raug pom zoo cov nyiaj pab ntawm lub xeev uas raug siv tag lawm. Txhua yam Nqi Daim lav/Daim Ntas Rau lav tseem ceeb rau cov menyuam yaus hnuv nyoog qis dua 21 xyoo raug them nqi rau hauv lub xeev cov nyiaj pab kom mus raws li cov nyiaj pab ntawm EPSDT.

Cov Nqi Daim lav/Daim Ntas Rau lav hauv kis siv cov nyiaj pab ntawm lub xee yeej muaj kev txwv rau cov neeg uas muaj hnuv nyoog qis dua 21 xyoos thiab cov neeg uas raug tu mob rau hauv tsev. Kev txawj ua haujlwm thiab kev kawm tiav ntawm tus kws muab kev pabcuam uas raug muab sau rau hauv qhov kev npaj yuav muab los siv, thiab muab tso nrog ua ke rau hauv daim ntawv thov zam ua pov thawj tseg. Cov nqi daim iav thiab daim ntas rau iav yuav hloov tsis tau rau cov kev pabcuam los ntawm cov nyiaj pab hauv Lub Xeev qhov Medicaid los sis cov nyiaj pab ntawm EPSDT.

### **Kev Saib Xyuas Nyob Rau Hauv Tsev**

Kev saib xyuas nyob rau hauv tsev yuav tau them lwm cov nqi ntxiv rau kev xauj tsev thiab cov khoom noj kom tsim nyog rau ib tug kws saib xyuas uas tsis muaj feem ntsig txog dab tsi rau tus neeg ntawd uas yog tus nyob nrog hauv lub tib lub tsev ib yam li tus neeg tuaj koom. Cov nqi them no tsuas muaj rau kis uas cov neeg tuaj koom yog cov tau txais kev saib xyuas rau tus kheej thiab nyob hauv lub tsev uas lawv xauj, muaj ntaub ntawv cog lus xauj, los sis yog tus tswv tsev. Tej zaum ib tug neeg saib xyuas raug cai yuav siv tsis tau qhov kev pabcuam no. Them cov nqi raws li tau sau tseg rau hauv Cov Ntaub Ntawv Tso Tom Qab Kawg I-6. Kev them nqi yog

# Cov Ntsiab Lus Ntawm Qhov Kev Pab Txhawb

tsis them thaum tus neeg tuaj koom nyob hauv tus neeg zov lub tsev los sis nyob hauv ib lub chaw uas tus kws muab kev pabcuam ntawm Medicaid yog tus tswv tsev los sis muaj ntaub ntawv cog lus xauj tsev.

## **Kev Zuaj Ib Ce**

Kev Zuaj Ib Ce yog ib yam kev siv tes maj mam zuaj ntawm ib ce raws li qhov xav tau thiab siv tes zuaj rau ntawm ib thaj chaw los sis txav mus los tau, tuav, thiab/los sis ua kom txav mus los los sis ua kom lub cev hnob xooob. Kev zuaj ib ce yuav pab ua rau tus neeg tuaj koom dhau los ua ib feem saib xyuas mus ntxiv tau zoo yam tsis tu ncuu rau thaum lub sijhawm kho mob.

## **Kev Thauj Mus Los Rau Kis Tsis Yog Kho Mob**

Tau muab qhov kev pabcuam no rau kom cov neeg thiaj mus koom tau Qhov Kev Pab Txhawb Txog Kev Txiav Txim Siab Ntawm Tus Kheej qhov kev pab zam thiab cov kev pabcuam hauv lub zos, kev ua haujlwm, cov haujlwm thiab cov chaw pabcuam, thiab mus koom ua neej nrog hauv lub zos raws li sau tseg rau hauv lawv Qhov Kev Npaj Pab Txhawb Rau Tus Kheej. Qhov kev pabcuam no raug pab ntxiv rau ntawm kis thauj mus kho mob hauv nqe 42 CFR 431.53 thiab pab thauj raws li cov nyiaj pab ntawm Lub Xeev, uas raug sau tseg rau hauv 42 CFR 440.170(a) (yog muaj), thiab yuav hloov tsis tau rau qhov ntawd.

Cov kev pabcuam thauj mus los raws li kis raug zam yuav tsum ua mus raws li qhov kev npaj saib xyuas ntawm tus neeg tuaj koom thiab yuav tsum muaj cov khoom siv pab rau thaum thauj thiab qhov kev pab no yuav tsum saib xyuas kom tus neeg ntawd muaj kev nyab xeeb thaum thauj nws mus. Yuav pab thauj tshwj xeeb rau cov neeg uas tsis muaj kev nyab xeeb yog nws siv cov tsheb thauj mus los raws kev (thaum muaj). Thaum uas muab kev pab txhawb raws li keeb kwm ua dhau los, xws li siv tsev neeg, cov neeg nyob sib ze, cov phooj ywg, los sis cov chaw ua haujlwm sawv cev rau hauv lub zos, tej kev pabcuam no yog pab dawb xwb. Txhua tus neeg tuaj koom qhov SDP yuav ua haujlwm nrog ib lub chaw ua haujlwm hauv ib cheeb tsam tus kws lis haujlwm thiab tus kws muab kev pabcuam ntawm Feem Tswj Xyuas Nyiaj Txiag. Qee zaus yuav xaiv ua haujlwm nrog ib Tug Kws Cev Lus Ua Haujlwm Ywj Pheej. Tus neeg tuaj koom qhov SDP, thiab ib tug los sis tag nrho cov neeg no yuav txiav txim tias thaum twg cov kev pab txhawb raws li keeb kwm ua dhau los, xws li tsev neeg, cov neeg nyob sib ze, thiab cov phooj ywg raug siv tag lawm thiab thaum twg mam li pib them cov nqi pabcuam tau.

## **Kev Sab Laj Txog Khoom Noj Zoo**

Kev sab laj txog khoom noj zoo suav txog kev sib sab laj thiab kev pab npaj kom noj tau cov khoom noj zoo thiab cov khoom noj tshwj xeeb kom yuag raws li qhov xav tau ntawm cov neeg tuaj koom. Cov kev pabcuam no yog ntsig txog kev sab laj raws li keeb kwm ua dhau los thiab tsis raug muab tso rau hauv qhov kev npaj tshwj xeeb thiab yuav tau yuav, los sis kev npaj cov puas mov noj rau cov neeg tuaj koom.

# Cov Ntsiab Lus Ntawm Qhov Kev Pab Txhawb

## Kev Qhia Ua Haujlwm

Cov kev pabcuam rau Kev Qhia Ua Haujlwm yeej raug sau tseg rau hauv Title 22, California Code of Regulations, Tshooj 51085, thiab 51309 vim raug tawm cov qauv pabcuam no los pab txhawb rau ib tug neeg kom zoo rov qab los los sis muaj rab peev xwm ua taus cov haujlwm uas niaj hnub ua rau thaum siv cov txuj ci no tsis tau zoo lawm los sis thaum xiam oob qhab, lub cev muaj mob los sis hnub nyoog laus lawm. Kev qhia ua haujlwm muaj xws li kev tshuaj ntsuam xyuas, kev npaj kev kho mob, kev kho mob, kev qhia thiab sab laj txog cov kev pabcuam. Txhua yam kev qhia ua haujlwm tseem ceeb rau cov menyuam yaus hnub nyoog qis dua 21 xyoo raug them nqi rau hauv lub xeev cov nyiaj pab kom mus raws li cov nyiaj pab ntawm EPSDT. Kev qhia ua haujlwm rau hauv qhov kev zam no tsuas pab kuaj rau cov neeg uas muaj hnub nyoog 21 xyoos thiab siab dua xwb thiab tsuas pub qhia ua haujlwm raws li qhov raug pom zoo los ntawm lub xeev cov nyiaj pab uas raug siv tag lawm xwb. Cov kev pabcuam rau kev qhia ua haujlwm uas nyob hauv cov nyiaj pab ntawm lub xeev yog muaj tsawg, nws tsuas pabcuam ntau kawg yog ob zaug rau hauv ib lub hlis los sis pabcuam sib xyaws ua ke ob zaug rau hauv ib lub hlis rau cov kev pabcuam nram qab no: kev ntsuas qhov hnob lus, kev siv koob hno kho mob, kev kho mob pob txha, kev npliag siab, kho ko taw, thiab qhia hais lus los sis raws li cov nqi kho mob tseem ceeb.

## Ntsig Txog Kuaj Qhov Muag/Kws Kuaj Qhov Muag

Cov Kev Pabcuam Ntsig Txog Kuaj Qhov Muag/Kws Kuaj Qhov Muag raws li sau tseg rau hauv Title 22, California Code of Regulations, Tshooj 51093 thiab 51090. Kev pabcuam ntsig txog kev kuaj qhov muag yog ib qho kev saib xyuas los ntawm ib tug kws kuaj qhov muag raws li cov cai lij choj ntawm lub xeev no. Kws ua iav qhov muag yog ib tug neeg los sis ib lub tuam txhab haujlwm uas sau cov ntau ntawm cov kws kuaj mob rau daim ntawv yuav cov iav qhov muag thiab cov khoom siv ua ke kom haum thiab hloov kho kom haum rau cov iav qhov muag thiab daim ntas rau iav. Ib tug kws ua iav qhov muag kuj yog ib tug raug tso cai los muab lus qhuab qhia, tswj xyuas thiab saib xyuas ntawm ib tug kws kuaj mob los sis kws kuaj qhov muag kom haum rau ib daim iav los sis cov iav looj qhov muag.

Txhua yam kev pabcuam Ntsig Txog Kev Kuaj Qhov Muag/Kws Kuaj Qhov Muag tseem ceeb rau cov menyuam yaus hnub nyoog qis dua 21 xyoo raug them nqi rau hauv lub xeev cov nyiaj pab kom mus raws li cov nyiaj pab ntawm EPSDT. Cov kev pabcuam Ntsig Txog Kev Kuaj Qhov Muag/Kws Kuaj Qhov Muag rau hauv qhov kev zam no tsuas pab kuaj rau cov neeg uas muaj hnub nyoog 21 xyoos thiab siab dua xwb thiab tsuas pub Kuaj Qhov Muag/Kws Kuaj Qhov Muag raws li qhov raug pom zoo los ntawm lub xeev cov nyiaj pab uas raug siv tag lawm. Cov Kev Pabcuam Ntsig Txog Kev Kuaj Qhov Muag/Kws Kuaj Qhov Muag raws li cov nyiaj pab hauv lub xeev tsuas pub kuaj tau ib zaug rau hauv txhua txhua 24 lub hlis xwb, txawm li cas los xij, qhov kev txwv no yeej pub kuaj tshaj tau raws li qhov kuaj tseem ceeb. Kev txawj ua haujlwm thiab kev kawm tiav ntawm tus kws muab kev pabcuam uas raug muab sau rau hauv qhov kev npaj yuav muab los siv, thiab muab tso nrog ua ke rau hauv daim ntawv thov ua pov thawj tseg.

## Tus Neeg Tuaj Koom-Cov Khoom Siv thiab Cov Kev Pabcuam

Tus Neeg Tuaj Koom-Cov Khoom Siv thiab Cov Kev Pabcuam muaj xws li cov kev pabcuam, yam khoom siv los sis cov khoom siv uas tsis muaj pab rau ntawm qhov SDP Qhov Kev Raug Zam los sis los ntawm Medicaid cov nyiaj pab ntawm Lub Xeev uas yuav daws tau feem xav tau rau hauv qhov IPP (suav txog kev pab kev yooj yim,

## Cov Ntsiab Lus Ntawm Qhov Kev Pab Txhawb

kev tsim kho thiab tswj xyuas tus neeg tuaj koom koj tau los koom ua tswvcuab rau hauv lub zos) and ua tau raws li yam yuav tsum muaj nram qab no: yam haujlwm los sis qhov kev pabcuam yuav tsum txo kom tau feem xav tau rau lwm cov kev pabcuam ntawm Medicaid; pab txhawb nqa kom nyob tau nrog sawd daws, thiab mus los tau rau hauv lub zos; thiab ua kom tus neeg ntawd muaj kev nyab xeeb ntau ntxiv rau hauv ib puag ncig ntawm lub tsev; thiab tus neeg tuaj koom no nws tus kheej tsis muaj nyiaj yuav yam haujlwm los sis qhov kev pabcuam ntawd thiab tsis muaj yam haujlwm los sis qhov kev pabcuam no rau lwm feem nyiaj pab txhawb. Tus neeg tuaj koom cov khoom siv thiab cov kev pabcuam yuav tsum muab sau tseg rau hauv tus neeg tuaj khoom Qhov Kev Npaj Pab Txhawb Rau Tus Kheej thiab raug yuav los ntawm tus neeg tuaj koom nws Tus Kheej Cov Nyiaj Npaj Siv. Tsis suav txog cov kev kho mob sim los sis cov kev kho mob uas raug txwv.

### Feem Kev Saib Xyuas Tus Kheej Rau Kis Xwm Txheej Ceev (PERS)

PERS yog ua haujlwm pab rau kis xwm txheej ceev txhua txhua 24-teev los pab kom cov neeg muaj kev nyab xeeb kiag tam sim rau kis mob puas hlwb, mob rau lub cev, los sis rau kis mob xwm txheej ceev. PERS yog cov kev pabcuam uas raug tawm qauv los pab rau cov neeg kom tau raws li qhov xav tau thiab ua rau kom tus neeg tuaj koom muaj rab peev xwm, tej no muaj xws li kev cob qhia, kev teeb ub no rau hauv tsev, kev kho, kev saib xyuas, thiab kev ua tej yam raws li qhov xav tau. Qhov kev pabcuam uas tso cai ua tau muaj xws li nram qab no:

1. teb xov tooj/teb ntawv tau txhua 24-teev ;
2. Cov suab nrov ceeb toom;
3. Lub tshuab ceeb toom koj ntawm tes;
4. Cov xov tooj siv hu sib tham;
5. Cov hlua pab txoj sia;
6. Cov khoom siv tuav hluav taws kub hnyiab/kev nyab xeeb, xws li cov taub tshuaj tua hluav taws kub hnyiab thiab cov hluas ntaiv;
7. Kev soj qab xyuas cov kev pabcuam;
8. Kev hloov kho cov teeb cig (cov teeb cig ntsais, thiab lwm yam.);
9. Cov khoom siv hloov kho xov tooj tsis muaj pab dawb los ntawm lub tuam txhab ua haujlwm feem xov tooj;
10. Lwm yam khoom siv/cov kev pabcuam uas raug tawm qauv rau kev pab kis mob xwm txheej ceev.

PERS cov kev pabcuam muaj tsawg rau cov neeg uas tsis muaj cov neeg zov los sis tsis muaj cov neeg nyob nrog tas li txhua lub sijhawm, thiab cov neeg uas yuav tau muab kev saib xyuas ntau rau. Kev muab kev pab kiag tam sim, PERs cov kev pabcuam yog pab tiv thaiv cov neeg no thiab saib xyuas kom lawv nyob taus rau hauv lub zos. Txhua yam khoom siv yuav tsum raug raws li cov qauv tsim ua hauv lub chaw tsim ua khoom, hom qauv, thiab kev teeb tsa. Kev kho thiab saib xyuas yam khoom siv li hais no yuav tsum yog cov chaw raug tso cai los ntawm lub tsev tsim ua khoom ua tus los kho thiab li tau.

# Cov Ntsiab Lus Ntawm Qhov Kev Pab Txhawb

## Kev Kho Mob Rau Lub Cev

Kev Kho Mob Rau Lub Cev yog raug sau tseg rau hauv Title 22, California Code of Regulations, Tshooj 51081, thiab 51309 raws li qhov kev pabcuam ib qho mob rau ntawm lub cev los ntawm kev siv lub cev, tshuaj khes mis, thiab los sis lwm yam khoom kub, teeb cig, dej, hluav taws xob los sis suab nrov, thiab los ntawm kev zuaj ib ce thiab siv dag siv zog, cov khoom siv ua ev xaws xais uas siv zog los sis siv zog. Kev kho mob rau lub cev muaj xws li kev tshuaj ntsuam xyuas, kev npaj kho mob, kev kho mob, kev qhia, kev pab sab laj, thiab kev thov cov tshuaj kho mob uas sawd daws nyiam siv.

Txhua yam kev kho mob rau lub cev tseem ceeb rau cov menyuum yaus hnuv nyoog qis dua 21 xyoo raug them nqi rau hauv lub xeev cov nyiaj pab kom mus raws li cov nyiaj pab ntawm EPSDT. Kev kho mob rau lub cev rau hauv qhov kev zam no tsuas pab kuaj rau cov neeg uas muaj hnuv nyoog 21 xyoos thiab siab dua xwb thiab tsuas pub kho mob rau lub cev raws li qhov raug pom zoo los ntawm lub xeev cov nyiaj pab uas raug siv tag lawm xwb. Cov kev pabcuam rau kev kho mob rau lub cev nyob hauv cov nyiaj pab los ntawm lub xeev yog muaj sijhawm tsawg xwb, nws tsuas pub kho tsis tshaj rau lub hlis thiab tej zaum yuav raug muab sijhawm ntxiv yog pom tias tsim nyog yuav tau kho.

## Cov Kev Pab Txhawb Qhia Ua Haujlwm

Tau muab qhov kev pabcuam no rau cov neeg tuaj koom kom lawv ua tau raws li lawv tus kheej rab peev xwm ua tau rau yam ua tau los, tsim kho thiab/los sis tuav tswj cov txuj ci thiab rab peev xwm los pab txhawb thiab npaj rau tus neeg tuaj koom kom nws tau mus koom tej haujlwm hauv lub zos, muaj kev ywj pheej nyob nrog sawd daws, muaj kev ywj pheej rau nws tus kheej, thiab/los sis ua txoj haujlwm hauv lub zos.

Tus neeg tuaj koom xaiv qhov kev pabcuam no los ntawm feem xaiv suav txog feem uas siv rau cov neeg tsis xiam oob qhab. Feem kev xaiv no yog saib raws li tus neeg tuaj koom qhov xav tau thiab nyiam.

Tus neeg tuaj koom tau txais qhov kev pabcuam no xyaws nrog lwm cov kev pab txhawb thiaj tau txais kev saib xyuas zoo dua rau hauv lub zoos, thiab ua rau tus neeg tuaj koom muaj kev yooj yim, muaj kev ywj pheej nyob nrog lwm tus neeg, muaj kev ywj pheej rau nws tus kheej, ua tau tej yam nws nyiam, thiab siv txhua yam khoom siv tev naus laus zis tau. Tus neeg tuaj koom qhov kev xaiv yeej raug muab sib xyaws ua ke rau hauv cov kev pabcuam thiab pab txhawb thiab nws tus kheej cov cai tseem ceeb txog kev ceev tus kheej ntiag tug, kev muaj meej mob thiab kev hawm, thiab kev thaj yeeb los ntawm kev raug hawv yeej raug pov thaiv tag nrho. Lub chaw muab kev pabcuam no yuav tsum ua rau tus neeg tuaj koom tswj xyuas tau nws tus kheej. Ntxiv rau qhov no, yuav tsum ua rau tus neeg tuaj koom tau so ib yam nkaus li tus neeg uas tsis xiam oob qhab.

Cov kev pab txhawb qhia ua haujlwm yog tawm qauv los pab rau cov neeg uas raug txheeb xyuas pom los ntawm pawg kws ua qhov kev npaj pab rau cov neeg tuaj koom kom lawv nrhiav tau haujlwm ua, suav txog kev ua haujlwm rau yus tus kheej, kev ua haujlwm pab dawb, rau hauv cov haujlwm hauv lub zos kom ua tau raws li feem npaj tseg ntawm tus neeg tuaj koom. Cov kev pab pabcuam thiab pab txhawb no kuj suav txog cov haujlwm kev tshawb nrhiav txoj haujlwm, kev ua haujlwm rau yus tus kheej, thiab kev so noj nyiaj laus. Lub hom phiaj xav kom ua tau los ntawm qhov kev pabcuam no yog ua kom tau raws li cov hom phiaj kho kom rov qab zoo los rau yav tom ntej, qhov ntawd yuav ua rau muaj kev sib tw ua haujlwm thiab vam meej ntawm kev ua haujlwm kom tau tus nqi npaum los sis siab dua tus nqi dag zog qis kawg nkaus.

# Cov Ntsiab Lus Ntawm Qhov Kev Pab Txhawb

Tej zaum tus neeg tuaj koom yuav tau txais Cov Kev Pab Txhawb Qhia Ua Haujlwm Ua ua ke nrog, xws li:

- Kev tsim kho lub cev kom muaj rab peev xwm xws li txhawj xeeb txog kev noj qab haus huv.
- Kev tsim kho cov txuj ci kho mob puas hlwb.
- Kev tsim kho cov txuj ci sib tham nrog lwm tus neeg, sib txuas lus/nyob nrog lwm tus thiab kev yoog raws lwm tus xws li kev teb lus kom tsim nyog rau cov thawj saib xyuas haujlwm/cov neeg ua haujlwm ua ke.
- Kev tsim kho cov haujlwm niaj hnuv ua xws li kev mus koom thiab kev ua kom ncav lub sijhawm, kev npaj ntsees rau cov haujlwm.
- Kev tsim kho kev hnav cov ris tsho thiab ntsis plaub hau kom tsim nyog rau txoj haujlwm.
- Kev tsim kho cov txuj ci ua haujlwm kom tau zoo xws li cov qauv ua haujlwm tau zoo thiab ua tau los zoo.
- Kev cob qhia kev xyaum ua haujlwm xws li ua raws li cov lus qhia, ua cov haujlwm tiav.
- Kev tsim kho cov txuj ci ua haujlwm xws li daws teeb meem, txoj kev npaj rau kev ua haujlwm rau yav tom ntej.
- Cov txuj ci kev tswj xyuas nyiaj txiag thiab kev hais qhia txog cov nyiaj khwv tau los.
- Kev yeem pab dawb rau tus neeg uas tab tom nrhiav ua haujlwm los sis xav nrhiav haujlwm.

Kev pab txhawb qhia ua haujlwm yog raug tawm qauv los npaj rau cov neeg uas tsis paub ua haujlwm thiab npaj cov txuj ci kom lawv tuaj yeem mus sib tw nrhiav haujlwm ua tau, vim nws txawv mus ntawm cov kev pabcuam uas tsuas xyaum qhia kom paub ua txoj haujlwm xwb, tsis muaj cov hom phiaj qhia kom paub cov txuj ci ua haujlwm.

Kev thauj mus los rau ntawm tus neeg tuaj koom lub chaw nyob tsis muaj nyob rau hauv qhov kev pabcuam no. Tsis tuaj yeem muab cov kev pabcuam thiab pab txhawb uas hais los saum toj saud thaum tseem siv cov nyiaj pab txhawb hauv kis §110 ntawm Txoj Cai Saib Xyuas Kom Rov Qab Zoo Los ntawm xyoo 1973 (29 U.S.C. 730) los sis §602(16) thiab (17) ntawm Txoj Cai Saib Xyuas Kev Kawm Ntawv ntawm Cov Neeg Xiam Oob Qhab (IDEA.) (20 U.S.C. 1401 (16 thiab 17)).

## Kev Npliag Siab

Kev Npliag Siab yog sau tseg rau hauv Title 22, California Code of Regulations, Tshooj 51099 vim cov kev pabcuam ntawm ib tug neeg raug cob qhia rau feem kev tshuaj ntsua xyuas, kev kho mob, kev tiv thaiv, thiab kev pab txhawb rau qhov nyuaj siab thiab muaj mob puas hlwb.

Txhua yam kev npliag siab tseem ceeb rau cov menyuam yaus hnuv nyoog qis dua 21 xyoo raug them nqi rau hauv lub xeev cov nyiaj pab kom mus raws li cov nyiaj pab ntawm EPSDT. Kev npliag siab rau hauv qhov kev zam no tsuas pab kuaj rau cov neeg uas muaj hnuv nyoog 21 xyoos thiab siab dua xwb thiab tsuas pub npliag siab raws li qhov raug pom zoo los ntawm lub xeev cov nyiaj pab. Cov nyiaj pab raug pom zoo los ntawm lub xeev yog muaj tsawg rau qhov kev pabcuam no raws li qhov tsim nyog kho mob.

# Cov Ntsiab Lus Ntawm Qhov Kev Pab Txhawb

## Cov Kev Pabcuam Kom Zoo

Cov Kev Pabcuam Kom Zoo yog raug muab rau cov neeg tuaj koom uas yuav raug saib xyuas mus ib ntus. Cov kev pabcuam no raug muab pab rau lub sijhawm luv vim tias cov neeg uas niaj hnuv saib xyuas thiab/los sis qhuab qhia ntawd tsis khoom lawm thiab tsis yog kev kho mob, nrog rau muaj kev zam rau kev phais txoj hnyuv qhov quav, kev phais txoj hnyuv me mus kawg, kev siv txoj xov tswj xyuas qhov mob, thiab kev phais ntawm lub plab mos mus rau hauv lub plab.

Kev saib xyuas kom zoo muaj xws li nram qab no:

1. Muab kev pabcuam raws li sijhawm teev vim tus neeg ib txwm saib xyuas ntawd tsis nyob lawm los sis xav tau kev pabsaib xyuas qhov mob ntawm cov neeg ntawd kom ntaug.
2. Muab kev pabcuam raws li sijhawm yav nruab hnuv/hmo ntuj rau ib lub sijhawm luv vim tus neeg ib txwm saib xyuas ntawd tsis nyob lawm los sis xav tau kev pabsaib xyuas qhov mob ntawm cov neeg ntawd kom ntaug.
3. Koom nrog tus neeg ntawd feem pab rau yus tus kheej thiab lwm cov haujlwm uas ua txhua hnuv, suav txog kev sib tham, kev nyob nrog sawd daws, thiab kev ua cov haujlwm uas niaj hnuv ua uas feem ntau yog cov neeg ib txwm saib xyuas thiab/los sis qhuab qhia yog cov ua.

Tej zaum yuav tau yuav cov neeg paub saib xyuas los sis cov neeg txhawj ua haujlwm los muab kev saib xyuas kom rov zoo los. Tej zaum tus neeg tuaj koom yuav ntiav ib tug neeg los ua tus neeg ua haujlwm saib xyuas. Hauv txhua kis, yuav tsum sau kom muaj meej txog kev cob qhia thiab cov txuj ci uas cov neeg ua haujlwm los sis lwm cov kws muab kev pabcuam ntawd rau hauv qhov IPP.

Tej zaum yuav muab Cov Kev Pabcuam Kom Zoo los rau ntawm cov chaw nram qab no:

- Lub chaw nyob rau yus tus kheej.
  - Lub chaw nyob uas raug pom zoo los ntawm Lub Xeev.
  - Lwm cov chaw ua haujlwm hauv lub zos tsis yog ib qho chaw nyob rau yus tus kheej, xws li:
  - Lub Tsev Laus/Lub Tsev Qhia Rau Tsev Neeg
  - Cov Tsev Txais Tos Tsev Neeg rau Cov Menyuum Yaus
  - Lub Chaw Saib Xyuas Yav Nruab Hnuv
  - Lub chaw nyob ib ntus
  - Lub Tsev Kawm Ntawv Menyuum Yaus Uas Muajj Ntaub Ntawv Tso Cai
- FFP yuav tsis thov cov kev pabcuam kom zoo los uas yuav raug saib xyuas ua ke tshaj 30 hnuv rau hauv ib lub chaw.

## Cov Ntsiab Lus Ntawm Qhov Kev Pab Txhawb

Thawj tus kws kho mob los sis nws tus txij nkawm yuav tsis muab cov Kev Pabcuam Kom Zoo los raws li kis hais los no. Cov kws muab kev pabcuam kom zoo los yuav tsum tsim kho thiab ua ib qho kev npaj pab txhawb ntxiv rau thaum lub sijhawm uas lawv teem caij mus kuaj, tab sis tsis tuaj yeem mus tau thiab tsis raug saib xyuas.

Yuav tsum muab Cov Kev Pabcuam Kom Zoo los ua ntxiv raws li kis ntawm Txoj Cai Saib Xyuas Kev Kawm Ntawv Ntawm Neeg Xiam Oob Qhab Rau Tus Kheej (IDEA) ntawm xyoo 2004. Tej zaum tsuas muab cov kev pabcuam no tau thaum ib tug neeg qhua feem xav tau kev saib xyuas muaj ntau tshaj ntawm tus neeg uas muaj hnuv nyoog ib yam thiab tsis yog neeg xiam oob qhab, thiab yuav tsis thov kom them cov nqi hauv chav nyob thiab cov nqi zaub mov noj uas raug zam, rau thaum tau muab kev saib xyuas kom zoo los rau hauv ib lub chaw uas raug pom zoo los ntawm Lub Xeev uas tsis yog ib lub chaw nyob rau yus tus kheej.

### **Kws Txawj Tu Neeg Mob**

Cov kev pabcuam uas raug sau tseg rau hauv qhov kev npaj saib xyuas mus raws li Txoj Cai Nqis Tes Tu Neeg Mob Ntawm Lub Xeev thiab ib tug kws tu neeg mob, los sis ib tus kws xyaum tu neeg los sis kws kawm tu neeg mob uas muaj ntaub ntawv tso cai ua haujlwm raws li kis saib xyuas los ntawm ib tug kws tu neeg mob, muaj ntaub ntawv tso cai ua haujlwm rau hauv Lub Xeev.

Tsuas muab kev tu neeg mob rau cov neeg uas muaj hnuv nyoog 21 xyoos thiab siab dua xwb. Txhua yam kev tu neeg mob tseem ceeb rau cov menyuaum yaus hnuv nyoog qis dua 21 xyoo raug them nqi rau hauv lub xeev cov nyiaj pab kom mus raws li cov nyiaj pab ntawm EPSDT. Yuav tsis hloov cov kev txawj tu neeg mob no mus rau cov nyiaj pab ntawm Lub Xeev qhov Medicaid raws li cov nyiaj pab saib xyuas hauv tsev los sis cov nyiaj pab ntawm EPSDT.

### **Khoom Siv Kho Mob thiab Cov Khoom Siv Tshwj Xeeb**

Yam khoom siv thiab cov khoom siv tshwj xeeb kho mob muaj xws li: (a) cov khoom siv, cov khoom siv tswj xyuas, los sis cov khoom siv uas raug sau tseg rau hauv qhov IPP, uas yuav ua rau cov neeg tuaj koom muaj rab peev xwm ua tau lawv cov haujlwm niaj hnuv ua tau zoo dua qub; (b) yam khoom siv, cov khoom siv tswj xyuas, los sis cov khoom siv uas ua rau tus neeg tuaj koom nkag siab, tswj tau, los sis sib tham taus nrog sawd daws rau ntawm lub chaw lawv nyob; (c) cov khoom siv tseem ceeb uas pab txhawb lawv lub neej los sis pab daws tej yam muaj teeb meem ntawm lawv lub cev kom nws muaj cov khoom siv thiab yam khoom siv tsim nyog ua rau nws ua haujlwm mus los tau xws li; (d) lwm cov khoom siv kho mob uas kav ntev thiab tsis kav ntev tsis muaj nyob rau hauv cov nyiaj pab ntawm Lub Xeev, cov ntawd tsuas muaj siv rau tej yam tseem ceeb rau tus neeg tuaj koom kom mus los tau me ntsis xwb; thiab (e) cov khoom siv kho mob tseem ceeb tsis muaj nyob rau hauv cov nyiaj pab ntawm Lub Xeev. Yuav kho, saib xyuas, teeb tsa, thiab cob qhia txog kev saib xyuas thiab siv cov khoom siv no kuj muaj nrog ua ke. Cov khoom siv uas raug them nqi los ntawm cov nyiaj raug zam yog ntxiv rau txhua yam khoom siv thiab cov khoom siv kho mob hauv cov nyiaj pab ntawm Lub Xeev thiab yuav pab them cov nqi rau cov khoom siv uas tsis yog siv kho mob ncaj qha los sis saib xyuas rau tus neeg tuaj koom. Txhua yam khoom siv yuav tsum siv tau raws li cov qauv tsim ua los ntawm lub tsev tsim ua, raug raws li tus qauv, thiab kev teeb tsa yuav tsum raug raws li Tus Tswv Lav qhov Kev Sim los sis raug raws li Tsoomfww

# Cov Ntsiab Lus Ntawm Qhov Kev Pab Txhawb

cov cai. Kev kho thiab saib xyuas yam khoom siv li hais no yuav tsum yog cov chaw raug tso cai los ntawm lub tsev tsim ua khoom ua tus los kho thiab li tau.

## **Kev Pab Qhia Tham Lus, Hnov Lus thiab Paub Lus**

Cov kev pabcuam txog Kev Pab Qhia Tham Lus, Hnov Lus thiab Paub Lus raug sau tseg rau hauv Title 22, California Code of Regulations, Tshooj 51096, 51098, thiab 51094.1 raws li kev pab qhia tham lus hnov lus, thiab cov khoom pab kom hnov lus. Kev pab qhia tham lus yog ib qho kev pab tshawb xyuas, ntsuas, thiab kho los sis hloov kho kev hais lus, lub suab los sis kev hais lus tsis taus, thiab pab tswv yim rau tej yam tsis paub tab ntawd. Kev pab kom hnov lus yog ib qho kev pab ntsuas, kev ntaus nqi, kev tshawb xyuas thiab kev pab tswv yim ntsig txog kev hnov lus thiab kev tsis hnov lus; kev hloov kho txog kev sib txuas lus tsis meej pem los ntawm qhov tsis hnov lus zoo yuav cuam tshuam rau kev hais lus, kev paub lus thiab kev hnov lub suab; thiab muab kev taw qhia thiab tshuaj ntsuam xyuas txog cov khoom pab kom hnov lus. Yam khoom pab kom hnov lus yog ib yam khoom pab los sis pab txhawb ntxiv rau cov neeg tsis hnov lus zoo.

Txhua yam kev qhia hais lus, hnov lus thiab paub lus tseem ceeb rau cov menyuum yaus hnuv nyoog qis dua 21 xyoo raug them nqi rau hauv lub xeev cov nyiaj pab kom mus raws li cov nyiaj pab ntawm EPSDT. Kev pab qhia hais lus, hnov lus thiab paub lus rau hauv qhov kev zam no tsuas pab saib xyuas rau cov neeg uas muaj hnuv nyoog 21 xyoos thiab siab dua xwb thiab tsuas pub qhia hais lus, hnov lus thiab paub lus raws li qhov raug pom zoo los ntawm lub xeev cov nyiaj pab uas raug siv tag lawm xwb. Kev pab qhia hais lus, hnov lus thiab paub lus rau hauv cov nyiaj pab raug pom zoo los ntawm lub xeev yog tsuas pub muab ua tau ob zaug rau hauv ib lub hlis los sis sib xyaws nrog lwm yam tau ob zaug rau hauv ib lub hlis; Cov nyiaj pab them cov yam khoom siv kom hnov lus yog ntau txog \$1,510 toj ib tug neeg hauv ib lub xyoos puag ncig los sis tau raws li qhov tsim nyog kho.

## **Tev Naus Laus Zis (Technology)**

Technology yog ib yam khoom siv, ib qho khoom siv, los sis ib yam khoom, tsis hais tau los ntawm qhov yuav, hloov kho, los sistsim ua kom zoo siv, uas raug siv los pab txhawb rau kev nyob hauv lub zos, kev sib tham nrog lwm tus neeg tau ywj pheej, kev muaj ywj pheej rau yus tus kheej, thiab kev pab txhawb ntxiv, tuav tswj, los sis tsim kho kom cov neeg tuaj koom no muaj rab peev xwm zoo ntxiv. Cov khoom siv tev naus laus zis uas pub siv raws li sau tseg rau hauv tus neeg tuaj koom qhov IPP muaj xws li:

1. Kev tshuaj ntsuam xyuas cov khoom siv tev naus laus zis xav tau ntawm ib tug neeg tuaj koom, muaj xws li kev tshuaj ntsuam xyuas qhov mus tau los ntawm feem cuam tshuam ntawm kev muab cov khoom siv tev naus laus zis puas tsim nyog rau tus neeg tuaj koom siv rau hauv ib puag ncig ntawm tus neeg tuaj koom lub chaw;
2. Kev yuav, xauj, los sis tau yam khoom siv tev naus laus zis: cov xov tooj ntawm tes (tus nqitxhua hli, lub xov tooj ntawm tes cov apps), iPads, tablets, thiab laptops. Qhov kev pabcuam no muaj nrog pab kas phais thiab kev cob qhia txog kev siv yam khoom siv tev naus laus zis no.
3. Kev xaiv, kev tawm qauv, kev kho kom haum, kev tsim kom zoo siv, kev hloov kho, kev siv, kev saib xyuas, kev kho qhov puas, los sis hloov cov khoom siv tev naus laus zis;

## Cov Ntsiab Lus Ntawm Qhov Kev Pab Txhawb

4. Muab kev pab cob qhia txog kev siv rau tus neeg tuaj koom, los sis cob qhia rau tus neeg uas tsim nyog qhia, cov tswvcuab hauv lawv tsev neeg, cov neeg saib xyuas, cov kws qhia, los sis cov neeg sawv cev raug cai ntawm tus neeg tuaj koom; thiab

5. Muab kev pab cob qhia txog kev siv rau kws ua haujlwm los sis cov neeg uas muab kev pabcuam rau, cov neeg raug ntiav ua haujlwm, los sis cov neeg uas muaj feem saib xyuas lub neej ntawm tus neeg tuaj koom.

Tej zaum yuav tau yuav yam khoom siv tev naus laus zis raws li Qhov Raug Zam ntawm SDP yog nws tsis muaj nyob rau hauv cov nyiaj pab ntawm lub xeev.

### **Kev Cob Qhia thiab Kev Pab Tswv Yim rau Cov Neeg Saib Xyuas Pub Dawb**

Muab kev cob qhia thiab pab tswv yim rau cov neeg uas ua haujlwm pab txhawb, cob qhia, mus nrog ua ke los sis saib xyuas rau cov neeg tuaj koom pub dawb. Rau cov hom phiaj ntawm qhov kev pabcuam, "tus kheej" yog ib tug neeg, ib tug tswvcuab hauv tsev neeg, ib tug neeg nyob sib ze, ib tug phooj ywg, ib tug neeg mus nrog ua ke los sis ib tug neeg ua haujlwm ua ke uas muab kev lis haujlwm pub dawb rau kev saib xyuas, cob qhia, qhuab qhia, mus nrog ua ke los sis pab txhawb rau ib tug neeg uas ua haujlwm rau ntawm qhov kev raug zam. Tej zaum yuav tsis muab qhov kev pabcuam no cob qhia rau cov neeg zov uas raug them nqi rau lawv. Qhov kev cob qhia muaj xws li kev qhia txog cov kev pabcuam thiab pab txhawb uas nyob rau hauv qhov IPP, kev siv cov khoom siv uas sau tseg rau hauv qhov IPP, thiab kho dua tshiab txog tej yam tseem ceeb kom tus neeg tuaj koom muaj kev nyab xeeb zoo rau hauv lub tsev. Kev pab tswv yim yuav tsum yog kev pab rau tus neeg zov pab dawb kom tau raws li feem xav tau ntawm tus neeg tuaj koom. Txhua yam kev cob qhia rau cov neeg uas muab kev pab txhawb pub dawb rau tus neeg tuaj koom yuav tsum muaj nyob rau hauv qhov IPP. Qhov kev pabcuam no yuav tsum xam cov nqi tso npe thiab cov nqi cob qhia rau feem xav tau ntawm tus neeg tuaj koom uas raug sau tseg rau hauv qhov IPP. Cov nqi mus los, cov nqi pluas mov noj thiab cov nqi so hauv lub chaw nyob thaum mus koom qhov kev cob qhia los sis mus koom lub rooj sib tham yuav tsis raug them raws li txoj cai ntawm qhov kev pabcuam no. Qhov kev pabcuam no yuav tsum tsis yog cov kev pabcuam raug ua dua ntxiv los ntawm qhov kev pab uas raug zam ntawm qhov Kev Cob Qhia Tsev Neeg/Tus Neeg Qhua.

### **Kev Pauv Hloov/Npaj Cov Nqi Siv Nyiaj: Lwm Yam Kev Pabcuam**

Kev Pauv Hloov/Npaj Cov Nqi Siv Nyiaj yog them ua ib zaug, tsis muaj cov nqi siv nyiaj ntxiv lawm los pab rau cov neeg tuaj koom uas pauv hloov ntawm ib lub chaw mus rau tom lawv lub tsev hauv lub zos. Cov nqi siv nyiaj no yog qee cov nqi uas raug npaj thaum xub thawj kom muaj txaus siv thiab pab rau kev noj qab haus huv thiab kev nyab xeeb ntawm tus neeg thaum nws mus nyob rau lub chaw tshiab. "Yus lub tsev" yog ib lub tsev nyob, suav txog ib lub tsev, ib chav tsev nyob, ib chav tsev condominium, ib lub tsev cab tau, los sis lwm chav chaw nyob uas yus yog tus tswv, muaj ntaub ntawv xauj nyob, los sis xauj los ntawm ib tug neeg. Qhov kev pabcuam no muaj xws li kev kho rooj tog, khoom siv hauv tsev thiab cov kev pabcuam uas ib tug neeg xav kom muaj tiav zoo rau thaum pauv hloov mus nyob rau hauv lub zos thiab tej zaum yuav muaj xws li:

- Cov nyiaj lav pab kas thiaj xauj tau ib chav tsev nyob los sis lub tsev nyob;
- Cov nqi siv tsiv chaw nyob;
- Saib xyuas kom zoo rau kev noj qab haus huv thiab nyab xeeb, xws li kev tua kab laum kom tag, kev tswj xyuas tej yam yuav ua rau fab los sis kev tu ua ntej yuav mus nyob;

## Cov Ntsiab Lus Ntawm Qhov Kev Pab Txhawb

- Teeb cov nqi los sis cov nyiaj lav pab kas uas them tsis tau rov qab rau cov khoom siv hauv tsev (xov tooj, hluav taws xob, cua kub uas siv roj cua);
- Kev kho tej yam tseem ceeb rau hauv lub tsev nyob thiab kev siv ib lub tsev nyob hauv lub zos, xws li ib lub txhaj pw, rooj, cov rooj zaum, cov ntaub thaiv qhov rai, tais diav noj mov, cov khoom siv ua zaub mov, thiab lwm yam.  
Cov kev pabcuam no tsis suav txog:
- Kev kho cov khoom siv kom zoo txawv/khoom siv rau kev so/khoom siv ua kev lom zem kom sib txawv, xws li cov khoom sivua cov haujlwm ua si thaum khoom, this vis, TV siv xov, los sis VCRs thiab DVDs.
- Cov nqi hauv chav nyob thiab khoom noj haus, nqi xauj tsev them raws hli los sis cov nqi them yuav tsev, cov nqi ua ib txwm them rau hluav taws xob thiab dej, cov khoom siv hauv tsev, thiab khoom noj haus. Cov khoom siv uas yuav los ntawm qhov kev pabcuam no yog tus neeg ntawd li thiab nws tuaj yeem nqa yam khoom ntawd mus nrog nws rau tom lub chaw nyob tshiab. Tej zaum yuav muaj qee cov nqi siv nyiaj tshwm sim ua ntej tus neeg no pauv hloov ntawm ib lub chaw mus rau hauv lub zos. Hauv kis zoo li no, cov nqi tshwm sim los ntawm qhov Pauv Hloov/Npaj Cov Nqi Siv Nyiaj thaum tus neeg no tseem nyob hauv lub chaw qub ntawd yuav tsis raug xam kom mus txog rau thaum hnuv uas tus neeg no tawm ntawm lub chaw ntawd thiab raug tso npe rau hauv qhov kev pab zaug zam. Kev Pauv Hloov/Kev Npaj Cov Nqi Siv Nyiaj uas raug muab tso rau hauv qhov kev npaj saib xyuas ntawm tus neeg ntawd, tej zaum yuav tau kho ua ntej li 180 hnuv tus neeg no yuav tawm mus ntawm lub chaw saib xyuas. Txawm li cas los xij, cov nqi siv nyiaj ntawd yuav tsis muab xam kom mus txog thaum hnuv tus neeg no tawm mus ntawm lub chaw saib xyuas thiab tso npe rau hauv qhov kev pab raug zam.

### **Kev Hloov Kho thiab Kev Ua Kom Haum Ntawm Lub Tsheb Rau Tus Neeg**

Kev hloov kho lub tsheb yog ib co khoom siv, kev tswj xyuas, los sis saib xyuas kom cov neeg tuaj koom tuaj yeem ua tau tej yam ywj pheej ntau ntxiv, ua rau lawv mus los tau zoo rau hauv lub zos, thiab ua rau lawv noj qab haus huv thiab nyab xeeb ntxiv. Yuav kho, saib xyuas, teeb tsa, thiab cob qhia txog kev saib xyuas thiab siv cov khoom siv no muaj nrog ua ke. Kev hloov kho lub tsheb yuav tsum raug hloov kho los ntawm lub chaw tsim ua tsheb cov chaw muaj ntaub ntawv tso cai muag tsheb. Kev kho thiab saib xyuas yam khoom siv li hais no yuav tsum yog cov chaw raug tso cai los ntawm lub tsev tsim ua khoom ua tus los kho thiab li tau.

Yuav muaj kev hloov kho lub tsheb raws li hais los no, tab sis kuj tsis tas li no xwb xws li nram qab no:

1. Hloov qhov tuav ntawm lub qhov rooj tsheb;
2. Ua kom lub qhov rooj tsheb dav ntxiv;
3. Cov khoom siv nqa ub no;
4. Cov khoom siv tuav lub rooj zaum muaj log kom ruaj khov;
5. Cov khoom siv hloov kho lub rooj zaum;
6. Hloov kho tus kauj tig, daim tsuj roj kom tsheb ceev, cov teeb cig, thiab qhov tsuj kom tsheb nres; thiab
7. Cov las siv tuav thiab cov las siv dai khoom

Yuav tsum muaj kev hloov kho rau cov tsheb, yog saib raws li tus neeg ntawd qhov xav tau, tus nqi ntawm kev hloov lub tsheb, piv rau cov nqi siv lwm yam tsheb mus los. Kev pauv hloov rau cov tsheb yog tsuas pub rau cov tsheb uas tus neeg ntawd yog tus tswv xwb.

## Cov Ntsiab Lus Ntawm Qhov Kev Pab Txhawb

los sis tus neeg lav ntawm tsev neeg thiab tsis suav txog lub tsheb uas tus kheej yog tus yuav. Tus neeg lav ntawm tsev neeg muaj xws li tus neeg lav nws niam thiab txiv yug, niam qhuav txiv qhuav, niam tshiab txiv tshiab, cov kwvtij viv ncaus, cov menyuam, tus txij nkawm, tus khub nyob nrog hauv lub tsev (kis uas cov khub nyob nrog hauv lub tsev yog cov raug lees paub raws txoj cai), los sis ib tug neeg uas sawv cev raug cai ntawm tus neeg lav. Tsuas pub hloov kho lub tsheb tau rau thaum yeej hais tseg rau hauv tus kheej qhov kev npaj saib xyuas thiab thaum uas ib Tug Kws Kuaj Mob Rau Lub Cev los sis ib Tug Kws Qhia Ua Haujlwm yeej tshuaj ntsuam xyuas thiab sau daim ntawv pov thawj cia tseg lawm. Tej zaum tus neeg tuaj koom los sis ib tug tswvcuab ntawm tsev neeg uas yog tus nws nyob nrog los sis yog tus yuav tau sib tham tas li los sis xwm yeem, tus muab kev pab txhawb mus ntev rau tus neeg tuaj koom, thiab tus muab kev pabcuam pub dawb yuav yog tus tswv tsheb.